

علوم، اقتصادیه و اجتماعیه مجموعه علم الگار

هر ایک برنجی کونی نشر اولتور

مؤسسیری

احمد شعیب، رضا توفیق، محمد هارید

مندرجات

انعکاس تکالیف : مالییه مآتبی مدیری زهدی . —
اقتصاد ریاضی : بدیم نوری . — محررات عمومیه
صورتلری . — دیوان محاسباتک تارنجهجه سی : حسن تحسین .

مدیر وصاحب امتیازی :

محمد هارید

نسخه سی : ۱۰ غروش

استانبول

امور اداره و تحریریه : طنین مطبعه سی .

۱۳۲۷

۱۳۲۶ سنه سی مارتندن شباطی غایه سنه قدر خزینہ جلیله دن

مأمورین مالیہ یازیلان محررات عمومیه صورتلری

— مابعد —

۲۲

۳۲۵ سنه سی واردات و مصارفات عمومیه سی ناطق تنظیم و نشری
مقرر اولان استاتستیک مجموعه سنه اساس و مأخذ اولق اوزره ترتیب
و طبع ایندیریلن استاتستیک جداونک نسخ کافیه سی لفا ارسال قلدی .
مذکور جدوللارک صورت تنظیم و ارسالی بروجه زیر ایضاح اولنور :
املاک و عقار و تمتع و یرکولریله طریق مکلفیت شخصییه سی ، اغنام ، اعشار
و حاصلات متفرقه اوله رق الی فصله تفریق ایدلش اولان برقسمنک
هرستوننده کی سیرلوحه لک مطالعه سیله اکلشیله جنی وجه ایله تحقیقات
و تحصیلات ایله بقایا دفاتر اساسیه و معاونه دن قولایقله اخراج و عائد
اولدقلری ستونلره املاسی ممکن اولدیغندن فضله تعریفاته حاجت یوقدره
انجق املاک و عقار و یرکوسیه اعشار فصلنده محرر [مساحه سطحیه ،
قیمت ، مقدار محصولات] ستونلرینک الده کی دفاتردن اخراج و املاسی
بردرجهیه قدر ممکن اوله میه جغندن بونلر دخی طابو قیدلرینه مراجعته
برابر محللری زراعت و تجارت اوطلری و زراعت مأمورین فیه سی و قری
هیئت اخباریه لریله منتزمیندن تحقیق و تدقیق اولنورق اکاکوره صحتیه
قریب بردرجهده املاسی لازمدر . ایکنجی قسمة عائد معلوماتک جدولده کی
باشلقلرک مطالعه سندن سهولته اخراج و املاسی قابل اوله بیله جکی جهتله
تعریفاتدن مستغنی اینده بوخصوصده التزام دقت اولنورق یا کشلغه
میدان و یرلمه سی مقتضیدر : جداول مذکور قضاالرجه نهایت برآی

ظرفنده بوصورتله املا ایدیهلرک مرکز لوایه کوندریله جک ولوارجهده مرکز قضاسی دخی داخل اولدینی خالده ملحق قضالردن کلن جدوللر برلشدیریله رک لوا ایچون نهایت اون بش کون ظرفنده برجدول تنظیم اولنوب مرکز ولایت ارسال اولنه جقدر. ولایتجه ملحق لوالردن ورود ایده جک جداول کذلک اون بش کون ظرفنده طویلانیلوب ولایت نامه برقطعه جدول تنظیم ایدیهلرک کوندریله جکدرکه بغداد، بصره حجازوین ولایتلری سنه حالیه اغتوسندن و دیگر ولایات والویه مستقله ایچون تموزینک برنجی کونی میعاد تعیین ایدلش اولدیقندن اشبو تحریرات عمومیه نک وصولی تاریخیه مدت مذکورہ بیننده کی زمانک اکاکوره تقسیمله جداول مزبورده نک خزینیه ارسالنده قطعاً تأخراته میدان ویریه جک و معلومات مطلوبه نک بعضلرینک اعطاسجه عدم امکان کوریلورسه طریق تدارکی آریجه تعریف واره اولنق اوزره استفسار کیفیت اولنه جقدر. شوراسی اخطار اولنورکه خزینجه تنظیم ونشر ایدیهلرک اولان استاتستیک مجموعه سی ممالک عثمانیه نک بالعموم معاملات مالیه سی احتوا ایله جکی جهتله هر نوع معاملاته عائد معلومات حسابیه واحصائیه نک نظارت عائدلرندن اخذی مقرر اولوب بوبابده ایجاب ایدن جداول ترتیب وتنظیم اولنورق نظارت عائدلری واسطه سیله طشره مأمورلرینه ارسال قلنش اولدیقندن اوراجهده تعقیب کیفیتله بونلرک وقت وزماننده املا واعاده ایتدیرلمسه غیرت اولنقله برابرایجاب ایلدیکی تقدیرده مأمورین مالیه جهده معاونت ومظاهرتده بولونلشی وسالف الذکر ولایتجه تنظیم وخزینیه کوندریله جک جداولک لقیله یازیله جق تحریراتده بوبابده معلومات ویرلسی لازمدر. استاتستیک مجموعه سنک خزینجه هر سنه منتظماً ترتیب ونشری مقرر اولسیله طشره دن بوصورتله هر سنه معلومات احصائیه یی حاوی جدوللر طلب ایدیهلرک جکندن سنین آتیله ده صحت وسهولتله معلومات ویریه یلمسی ایچون شمیددن ایجاب ایدن تدایره

توسل اولونمسی توصیه اولنور . بوجه محرر ایفای مقتضای واشبو
تحریرات عمومیه نك افا مرسل نسخهلرندن برر عددینك ملیحقاته ارسالی
تنی اولنور
فی مارت ۲۵ سنه ۳۲۶



۲۳

حزینة جلیله نك بودفعه کی تشکیلاتنده موجود شعبه لر بالتوحید
واردات ، حسابات ، دیون عمومیه ، مأمورین ، قلم مخصوص ، هیئت
تفتیشیه ، وزنه ، املاک ، بیت المال ، حقوق مشاورلکی نامرلیه اون
مدیریتہ تقریق وتقسیم ایدیلهرک بونلرک هربری ولایات ودوائر مرکزیه
ایله طوغریدن طوغری به نظارت نامنه مخبره ایتمکده اولوب مذکور
مدیریتلرندن یازیله حق تذاکر ومحرراته جواب تسطیر اولنه جنی زمان
هرحاله فلان مدیریتدن یازیلان فلان تاریخی ^{عمومی} خصصری نومرولو تذکره
ویاتحریرات جوابیدر دینلمسی لازم کله جکی کبی تلغرافنامه جوابلرنده
دخی ج مارت سنه ۳۲۶ ۱۱۲ واردات ویاخود حسابات دهرک هانکی
مدیریتدن یازلمش تلغرافنامه به جواب اولدیغنک بهممه حال کوسستمسی
وتأکیدویاذیل اولهرق وقوع بوله حق اشعاراتده مقدمکی تذکره وتحریرات
وتلغرافنامه نك یالکز تاریخندن بحث ایله اکتفا ایدیلهرک نومروسنک دخی
ذکر ایدلمسی الزمدر . بعدما نظارتدن کشیده اولنه حق تلغرافنامه لرک
باشنده کشیده ایدن مدیریتک تصریح ایدیله جکی تقرر ایتدیکنندن هرحاله
شواصوله بغایت اعتنا ایدلمسی و نومروسز اولهرق تلغراف کشیده
قلمنامسی اهمیتله تنی اولنور .
فی ۲۹ مارت سنه ۳۲۶



[۲۴ نومرولی عموم یوقدر]



حجاز تیموریولی اغانه سی اوله رق مقدا احداث ایدلش اولان نومرو
پوصله سندن وقوعبولان حاصلات بوسنه دخی موازنه عمومیه داخل
بولندیقندن اوراق تعقیبنده بولنه حق اصحاب مصالحه عادی اوراق ایله نومرو
وبردرلیوب مذکور قیمتلی پوصله لردن اعطایله حاصلاتک سکتهدار
اولماسنه اعتنا ایدلمی لزومی بیان وبالوسيله احترام اولنور

فی ۲۸ مارت سنه ۳۲۶



بالعموم مأمورین ملکیه وعسکریه ومتقاعدین وایتام وارامل مارت
معاشاتک سابقی وجه ایله تأدیه سنه مأذونسکر

فی ۲۹ مارت سنه ۳۲۶



بیاندن مستغنی اولدینی اوزره ولایات والویه غیر ملحقه عثمانیه ده
رایج محلینک مختلف اولدینی وبعض محللرده رایج تحالف ایلدیکی حالده
کرك املاك وكرك مبانى امیریة سائرہك انشاءات وتعمیرات وحفریات
مصارفہ استحصال مأذونیتی متضمن ورودایتمکده اولان محررات ومربوط
کشف ومناقصه پوصله لرنده رایج محلی ذکر ایدلمه مکده وبوایسه تشویش
معامله یی استلزام ایلمکده بولندیقندن کشف ومناقصه پوصله لرینک رایج
محلی اوزرینه تنظیم ورایج محلی نه اولدینی کوستریلرک یکوننکده مجیدی
اون طقوزه تجویلی سلامت معامله نقطه نظرندن الزم کورولاش اولمقله
فیابعد محررات اوراق مذکوره نك اوصورتله تنظیم وارسالی بیان اولنور

فی ۲۹ مارت سنه ۳۲۶



حاصلات عشریہ سی و داخلندہ بولان اغنامک رسومی مال صندوقہ
عائد اولان نمونہ چقتلکلیلہ چقتلکات سائرہ امیریہ نک اعشاری مزایدہ یہ
وضع اولفق واغنامی آیریجہ مأمور اعزامی صورتیلہ تعداد ایدلمک کبی
معاملاتہ قطعاً لزوم اولیوب یالکز چقتلکات مذکورہ اداره لرندن مال
قلملرینہ اعطا اولنه جق حسابات وجداولدہ اعشار و اغنام حاصلاتنک
آیریجہ اراشی و عشرک یوزدہ اون ایکی بمقدن حساب ایدلمی لازم
کلہ جکی بعض طرفلردن وقوع بولان سؤال اوزرینہ تعمیماً تبلیغ اولتور
فی ۱ نیشان سنہ ۳۲۶



مقاولات محررلریلہ اعلامات جزائیہ تحصیلدارلرینک تحصیلات
نسبتدہ اعطاسی لازم کن عائداتلرندن حوالہ خارجندہ اولمقدن ناشی تحقق
ایتدیریلہ مہمش مقدارینک سریعاً اشعاری فی ۳۱ مارت سنہ ۳۲۶



دوائرک طلی اوزرینہ ۳۲۵ بودجہ سندہ الآن مادہ دن مادہ یہ
تخصیصات نقل ایدلمکدہ ایسہ ۳۲۵ بودجہ سندن نیشان نہایتہ قدر
تادیات اجرایی مارت نہایتہ قدر تحقق قیدلری اجرا ایدیلن مصرفلرہ
مخصوص اولدیغندن متاقلہ ایدیلن مخصصاتکدہ انجق مارت نہایتہ قدر
تحقق معاملہ سی یا بش اولان مصارفہ تادیہ اولنه بیلہ جکی احتیاطاً تبلیغ
اولتور
فی ۳ نیشان سنہ ۳۲۶

ممالک عثمانیہ دہ اسکیدن زرع ایدیلنلریلہ یکیدن یتیشدیریلہ جک

پاتانلرک اون سنه مدتله عشردن استثناسی حقهده مقدمای اتحاد اولنوب اراده سینه یه اقرارن ایدن قرارک زراعده حاصل اولان شوق ورغبتده اهلینک بوندن استفاده یه باشلامش اولملرندن طولای تمیدی حقهده بعض طرفلردن وقوع بولان اشعارات اوزرینه شورای دولت مالیه و نافعہ و معارف دائره سندن تنظیم اولنوب ۲۱ مارت سنه ۱۳۲۶ تاریخلی بیورلدی عالی ایله خزینہ یه تبلیغ بیوریلان مضبوطده پاتانس محمولک بر مدت عشردن عفو ایدلمسی اهلینک محصول مذکور زراعتہ آاشمنی تأمین مقصدینه مبتی اولوب بوکره مدت معفویتک تمیدی حقهده درمیان اولنان مطالعات بومقصدک حصوله دلالت ایتکده بولمنسه بناء تمدید معفویتہ برسب قالمش اولدینی کوسترلدیکندن بوسه دن اعتباراً پاتاسدن عشر اخذی بالعموم مأمورین مالیه یه تبلیغ ایدلمش اولغله اعشارک حین مزایده سنده بوجهتک نظر دقت اوکنده بولندیرلمسی و مزاد قائم لرنده آیریجه تصریح ایدلمسی لزومی تبلیغ واشبو تحریرات عمومیه نک لفا کوندریلان نسخ کافیه سندن برر عددینک ملحقاته ارسالی توصیه اولتور فی ۴ نisan سنه ۳۲۶



مأمورین مآذونه یه وریله جک معاشلر حقهده اتحاد اولنوب اراده سینه یه اقرارن ایتیان مقرراتک حال حاضرده مزعیتی جائز اوله میه جنی جهتله تبدیل هوا ضمتنده مآذونیت استحصال ایدنلره خرجراء قرار نامه سنک ۱۳ نجی ماده سی موجبجه تام معاش اعطاسی مقدما شورای دولتجه قرارلشدیرلمش ایسه ده قرارنامه نک مذکور اون اوچنجی ماده سی تبدیل آب هوا ضمتنده مآذون اولان مأمورینک مدت مآذونیتلری معاشلرندن نصفی کندیلرینه نصف دیگر یه آنلره وکالت ایده جکلره وریلوردیه بالتعیدیل علی الاصول اراده سینه یه اقرارن ایتش اولدینی حالده

تعدیلات واقعہ نظر دقتہ التمسین اساس نظامہ مدہ محرر اوچنچی مادہ موجبہ تام معاش اعطاسی حقندہ ویرلش اولان قرارک تطبیق واجراسی بالطبع قابل اولہ میہ جفتدن بونلرہ ذکر اولنان مادہ معدله موجبہ نصف معاش اعطاسی لازم کلہ جکی شورای دولت مالیه و نافعہ و معارف دائرہ سنک با تذکرہ سامیہ خزینہ یہ تبلیغ بیوریلان ۱۲ کانون اول سنہ ۳۲۵ تاریخلی و ۲۳۹۴ نومرولو مضبطہ سندہ کوسترلش و کیفیت تعمیماً تبلیغ قلنمش اولغلہ اول وجہ ایله ایفای معاملہ اولنسی واشبو تحریرات عمومیہ نیک لفاً کوندریلن نسخہ لرندن برر عددینک ملحقانہ امراسی بیان اولئورفی ۷ ربیع الاول سنہ ۳۲۸ وفی ۴ نیسان سنہ ۳۲۶



۳۳

(۳۲۵ سنہ سندہ وقوع بولان صرفیات حقندہ کی ۱۵ و ۲۴ مارت سنہ ۳۲۶ تاریخلی تلغرافنامہ لر جوابتک تسریعی مؤکد ۵ نیسان منہ تاریخلی تلغرافدر .)



۳۴

بکن سنہ ظرفندہ مرکز و ملحقانہ تقاعد عائداتی اولہ رق جمعاً قاج غر و ش توقیف اولنوب قاج غروش تقاعد و ایٹام معاشاتی ویرلشدر همان تلغرافلہ بیلدیریکز . مطلوب اولان ، صندوقلرہ کیرن توقیفاتک مقداریدر . ملحقانک ارسالاتی میانندہ کلن توقیفات الحقہ لری داخل حساب ایدلیہ جکدر

فی ۱ نیسان سنہ ۳۲۶



عمومي بودجه نك تصديقدن صوكر اكوندريله جك تعريفنامهيه انتظارآ
تقاعديه وتوقيفات سائر نك سابق وجه ايله قيد ايدلمى
فى ۱۱ نيسان سنه ۲۳۶



مجلس اداره وبلديه اعضالغنه انتخاب اولنه جق قرك بيورلد يلرينك كمال
كان تمغالى حجاز تيمور يولى اوراقنه تحرير ايدلمى وقرى اهالىسى طرفندن
مذكور اعضالىق ايچون ياييله جق انتخاب مضبطه لرينك تمغلى اوراقنه
تحريرنده كند يلرينك مجبوريتلى بولجامنه بناء اوراق مذكورده نك
قادى ورقه لره يازلمى بالاستيدان شوراي دولت قراريله وارد اولان
تذكرة ساميه ده امر وازبار بيورلمش اولغله بروجب اشعار سامى ايفاي
معامله اولغنى لزومى بيان اولتور

فى ۱۲ نيسان سنه ۳۲۶



[۳۷ نومرولو عموم يوقدر .]

اموال عموميه دولتك مال مأمورلى واسطه سيله جبايت ايدلمى
مقرر اولمسنه بناء باروت ائمانى بقاياسنك ده مال قلملرينه تسليمى لازمده ن
اولغله بونلرك بقاياسنك مقدارى حقنده سبق ايدن استعمالمه جواباً
اعمالات حريمه مدير يتدن بوكره انسان تذكرة ايله ملفوفى پوصله يه
نظراً باروت ائمان عتيقه سندن طوپخانه نك ... عائد ... غروش مطلوبى

بولدینی و بونک تسویه وارسالی حقنده مکرراً اجرای تبلیغات اولدینی
حالده برثمره حاصل اوله مدینی اگلاشلمش اولدیفندن بو بایده کی معلومات
و مطالباتک و مبالغ مطلوبه نك کیملرك ذمتنده اولوب تحصیل نهیه متوقف
اولدیفنك سریعاً انبای تمهیدیه تأیید احترام اولنور .

۱۳ فی ۱۳ نisan سنه ۳۲۶



تیمورلی یولی ولیمان وسائر مؤسسات نافعه استکشافاتی ایچون برقاچ
آی مدتله موقه تعیین اولان مأمورین فیه معاشاندن فرق ترقی وضع
توقیفی ایجاب ایدوب ایتیمه چکی استیذانه دائر شورای دولت تنظیمات
دائره سندن اعطاء اولان مضبطه ده مالکیه تقاعد صندوقی قانون جدیدینك
یکرمی طبقه زنجی ماده سنك بر فقره سنده : « مأمورین موظفدهن و متقاعدیندن
ویا معاشی اولان معزولیندن اولوب دها زیاده معاشلی بر مأموریتیه تعیین
اولنانلرك یا خود بولندقلری مأموریتیه معاشی ترقی ایدنلرك ایلک بر آیلق
معاشلرینك مقدار منضمملری توقیف اولنه جنی » محرر اولسنه و بولردن
دها زیاده معاشلی بر مأموریتیه تعیین اولنانلرك معاشلرندن مقدار منضمملرینك
صندوق ایچون توقیفی مقتضی اوله رق حالبوکه عهده لرنده کی مأموریت
باقی اولوب و تقاعد و یا معزولیت معاشی قطع اولنماق اوزره موقه بر محله
اعزام اولنه جقلره ضم معاش نامیله ایچه اعطاسنه بودجه قانونی احکامی
مساعده بولنماسنه منی بومقوله لره اجرت مقطوعه و یا خرج راه اعطا
اولنه رق مخالف قانون معامله اجرا سنه میدان ویرلما سنك تذکر ایدلدیکی
اقدام قلندینی بیان عالیه سیله اول وجه ایله ایفای مقتضای شرفوارد اولان
۱۶ مارت سنه ۳۲۶ تاریخی تذکره سامیه صدر پناهیده امر و اشعار
بیورلش و کیفیت تعمیماً تبلیغ و اشبو تحریراتك نسخ کافیه سی لفاً تسیر

قلمش اولدیغندن بر موجب امر سامی ایفای مقتضای و برزنسختک
ملحقاته ارسالی لزومی بیان اولنور . فی ۱۵ نیسان سنه ۳۲۶



۴۰

مزروعات و محصولاتک حال حاضر فیض و برکتیه اشعار وارداتنه
یوزده قاچ درجه سنده تأثیری اوله بيله چکنک سربعا اشعار و ایرکن
وکیچ یتیشن محصولاتک حیواناتدن آریجه مزایده واحاله سی حقنده کی
مطالعات علیه لرینک انبا بیورلمسی متمنادر .



۴۱

ذمت امیری سنی اعطاده تعند ایدنلره تبلیغ قلنان اخبارنامه نتیجه سنده
اموال منقوله لرینک حجز و فروختی ایچون ویریلن قراری اجرایه کیدن
تحصیلدار و مختار و اختیار هیئته قیو آچماق صورتیه محالفته بولنانلره
قارشو یاییله جق معامله بعض طرفدن استفسار اولنوب بو بایده شورای
دولت تنظیمات دائره سندن اعطا اولنان مضبوطه ده کوسترلدیکی وجهله
تحصیل اموال قانوننک طقوزنجی ماده سنده اوقات معینه قانونیه ظرفنده
دین میری سنی ادا ایتمانلرک بورجلری مجله احکام عدلیه و اجرا قانوننه
توفیقاً تحصیل اولنه جتی مصرح اولدینی کی اجرا قانوننده ده معاملات
اجرائیه نک جریانه ممانعت ایدنلر حقنده جبر و شدت استعمال اولنه جتی
موضح بولندیغندن اموال منقوله لرینه مراجعت اولسانلر قیوی آچماق
صورتیه ممانعت ایلدکری تقدیرده علی الاصول مختار و اختیار هیئی

خضوورنده قوۃ جبریہ استعمال ایدلمسی لازم کله جکی شرفوارد اولان تذکرۃ سامیہده بیلدیرلمش اولمسنه مبنی کیفیت تعمیماً اشعارواشو تحریرات عمومیہ نك نسخ کافیه سی لفاً ازسال قلمش اولمغله ا کا کورمه ایضای معاملہ ویدلحقانده تبلیغ کیفیت اولنمسی بیان اولنور .

فی ۱۷ نیسان سنه ۳۲۶



بودجدهده محرر واردات مختلفه نك تحقیقات و تحصیلاتی مبین مرسل نمونسنه توفیقاً هر آی برر ایستاتستیق جدولی تنظیم وارسالی ومقدار تحصیلاتك سکز قلم اوزرینه تلغرافله اشعاری اصول اتخاذ اولنهرق کیفیت ۱۴ کانون اول ۳۲۵ تاریخلی واللی درت نومرولی تحریرات عمومیہ ایله تعریف وتبلیغ ایدلمشدی . خزینہجه هر سنه فایه سنده واردات ومصارف عمومیۃ دولت حقنده برر ایستاتستیق مجموعه سی تنظیم ونشری مقرر اولمسیله ایستاتستیقہ عائد معلومات حسابیه ورقیه نك دها واسع برمقیاسده سنه لك اوله رق اخذی لازمه دن کوریلوب بو بایده ایجاب ایدن جدوللر ترتیب وارسالیله هر سنه با تحریرات مخصوصه طلب ایدیله جکندن سالف الذکر شهری ایستاتستیق جدوللرینك بعد ازیں تنظیم وتسیارندن صرف نظر ایدلمسی وهر آی واقع اولان تحصیلاتك واردات بودجه نك اقسام مختلفه سی اعتباریله اون الی قلم اوله رق بیلدیرلمسی تسبب قلمشدر .

تحصیلات شهریه نك میعاد اشعاری بروجہ آتیدر :
واردات مختلفه دن بر آی ظرفنده واقع اولان تحصیلات قضاالرجه ایرتسی آيك نہایت اوچنچی کونی اقسامنه قدر لوايه بیلدیریله جک

ولوالرجہ دہ مرکز قضاسی دخی داخل اولدینی حالہ عموم سہنجاشک
تخصیلاتی نہایت آیک اوتنجی کونہ قدر خزینہ اشعار ایدیلہ جکدر .
انجی تلغراف مرکزی اولیان قضالرجہ مقدار تخصیلاتک ایلک پوسہ
ایلہ لوایہ بیلدیرلمسی و بویلہ قضالری بولان لوالرجہ دہ سالف الیان میعاد
معینی نہایت درت کوندن فضلہ کچورلمامسی لازمدر .

وقت معینہ بیلدیرلمسانلر حقندہ ایلک دفعہ سی ایچون اخطاسار ایلہ
اکتفا اولوب ایکنجی دفعہ سندہ مع التوبیخ قطع معاش جزاسی ترتیب
اولنہ جتی و تکرری حالندہ جزا تضعیف اولنغلہ برابر سجالرینہ اشارت
ایدیلہ جکدر .

تخصیلات شہریہ نک صورت ترتیب و اشماری بروجه آتیدر :
برنجی قسم — طوغریدن طوغری بہ النان واردادن :

۱ — املاک و عقار ویرکوسی ؛ اراضی و عرصہ لر ایلہ مسقفاتک
و خزینہ خاصہ دن مدور املاک ویرکولریلہ مذکور ویرکولرہ عائد
معارف حصہ اعانہ سی و تجهیزات عسکریہ ترتیندن واقع اولان تخصیلات
برلشدیریلوب بر قلم اولہرق بیلدیریلہ جک و اشبو املاک و عقار ویرکوسی
تلغرافنامہ لردہ (م) حرفیلہ کوستریلہ جکدر .

۲ — تمتع ویرکوسی ؛ اشبو ویرکویلہ هنوز تحریری اجرا
اولنیان بعض یرلردہ احتساب و سائر ناملرلہ النان رسوم و بونلرہ عائد
تجهيزات عسکریہ ترتیندن تحصیل اولسان مبالغ کذا بر قلمدہ اشعار
ومذکور ویرکو (ت) حرفیلہ اراثہ اولنہ جقدر .

۳ — بدل تقدی عسکری ؛ ہر شخص ایچون اللی لیرادن عبارت
اولان بدل تقدی عسکریدن واقع اولان تخصیلات کذلک بر قلمدہ
کوستریلہ جک و تلغرافنامہ لردہ اشارت مخصوصہ سی (ع) اولہ جقدر .

۴ — بدل عسکری بقایاسی ؛ ملل غیر مسلمہ عائد اولوب ۳۲۵
سہ سندن اعتباراً لغو ایدلش اولان بدل عسکرینک بقایاسندن تحصیل

ایدیلان مبالغ تلغرافنامہ لردہ (بق) اشارت مخصوصہ سیلہ بر قلمدہ بیلدیریلہ جکدر .

۵ — طرق ومعار مکتفیت شخصیہ سی ؛ طریق بدلات نقدیہ سندن وقوع بولان تحصیلات بر قلمدہ بیلدیریلہ جک تلغرافنامہ لردہ (ط) حرفیلہ کوستریلہ جکدر .

۶ — اغنام رسومی ؛ اغنام ، دوه ، جاموس وجنوار رسملریلہ خزینہ خاصہ دن مدور املاک امیریہ دن بو ناملرلہ اتان رسوم و بونلرک تجهیزات عسکریہ ترتیلرندن تحصیل اولنان مبالغ برلشدیریلوب کذلک بر قلمدہ بیلدیریلہ جک ورسم مزبور تلغرافنامہ لردہ (غ) حرفیلہ کوستریلہ جکدر .
۷ — اعشار ؛ کرک احالہ وامانت وتخمیس و کرک خزینہ خاصہ دن مدور املاک اعشارندن و کرکسہ بونلرک منافع ومعارف حصہ اعانہ لریلہ تجهیزات عسکریہ ترتیلرندن وقوع بولان تحصیلات کذلک بر قلم اولہرق (عش) اشارت مخصوصہ سیلہ بیلدیریلہ جکدر .

۸ — خصوصی اورمانلر حاصلاتندن اتان رسم ایلہ معادن رسومی ، ویر کوتذا کری ؛ اشبواوچ نوع واردات ایلہ خصوصی اورمانلر حاصلاتی رسومک حصہ منافع ومعارفی وتجهيزات عسکریہ ترتیندن تحصیل اولنان مبالغ کذلک (سا) اشارت مخصوصہ سیلہ بر قلم اولہرق کوستریلہ جکدر .
بودجه نك اشبو برنجی قسمندن یالکز حریر ودخان عشرلری دیون عمومیہ اداره سی طرفندن جبات ایدلمکده اولوب مال صندوقلرینه تعلق اولدیغندن بالطبع داخل ایدلیه جک وانجق بعض محللارن دیون عمومیہ اداره سنه محول اعشار واغنام وسائر رسوماتدن اداره مذکورہ جه تحصیل ایدیلان مبالغ مال صندوقلریلہ محسوبلری اجرا ایدلمکده اولدیغندن بونلر بروجه سابق تحصیلات میانہ ادخال قلنه جقدر .

ایکنجی قسم — تمنا ، خرچلر ، قیدیہ لردن :

۹ — خرچلر ؛ محاکم نظامیہ وشرعیہ ایلہ نفوس حاصلاتندن وبعض

محللرده امور حقوقیه و مختلطه پوللری اتمانندن واقع اولان تحصیلات
برلشدیریلوب تلغرافنامه لرده (خ) حرفیله بر قلمده کوستیریله جکدر .
۱۰ — قیدیله؛ طابو، فراغ وانتقال خرچلریله قید اخراجی وساره
اوله رق دفتر خاقانی حاصلاتندن تحصیل ایدیلاان مقدار (ق) حرفیله کذا
بر قلمده بیلدیریله جکدر .
تمغا رسمی دیون عمومی اداره سنجه جیایت ایدلیکندن ادخال
لازم کلز .

اوجنجی قسم — بالواسطه النان رسملردن :

۱۱ — لیان وسیر سفائن رسمی ورسوم حییه حیوانیه ؛ ساحل
محللرده آلفنده اولان لیان وسیر سفائن رسمیله حیوانات وموادینک
بیطارلر طرفندن معاینه سنده آلمان حیوانات معاینه رسومندن تحصیل
قلنان مبالغ برلشدیریله رک کذا بر قلمده (لص) اشارت مخصوصه سیله
بیلدیریله جکدر .

بودجه نك اشبو قسمنده محرر یوئان مسکرات وتبا کو ایله کمرک
وفنارلر ، صید بری وبحری رسملری دائره عائدله لری طرفندن جیایت
ایدلمکده اولدیفندن یالکیز بالاده اون برنجی ماده ده بیان ایدیلاان ایکی
نوع رسم بیلدیریله جکدر .

دردنجی قسم — انحصارلردن :

۱۲ — باروت ؛ باروت فروختندن متحصل مقدار دخی تلغرافنامه لرده
(با) حرفیله کوستیریله رک بر قلمده بیلدیریله جکدر . اشبو قسمده دخی
محرز اولان طوز، دخان ، تبا کو، مسکرات ، پوسته وتلغراف حاصلاتی
دوائر عائدله لری طرفندن جیایت ایدلمکده اولوب مال صندوقلرینه تعلق
اوله میه جفتدن بالطبع ادخال لازم کلز .

بشنجی قسم — حکومت عائد موسسات نافع و صناعیه ایشلمه حاصلاتندن :
۱۳ — معادن ؛ دولتک تحت اداره سنده بولنوب امانه اداره اولان

معادنن واقع اولان حاصلات مقداری کذلک بر قلمده (معا) اشارتیه بیلدیریه جکدر . [فرات و دجله نهرلرنده سیر و سفر ایدن واپورلرک حاصلاتی اداره مخصوصه سی طرفندن بصره ولایتی مال صندوقه تسلیم ایدلمکده اولمسیله بصره جه مذکور واپورلر حاصلاتی دخی اشبو اون اوچنچی مادهیه ادخال اولوب - شاید وار ایسه - معادن حاصلاتیه برلشدیریه رک (معا) اشارت مخصوصه سی تحتده بیلدیریه جکدر .]

اشبو قسمه داخل بولنان دیکر حجاز شمندوفری ؛ طولمه باغچه فاز خانه سی و مکتب صنایع حاصلاتک طشره مال صندوقلرینه تعلق یوقدر .
آلتنجی قسم - املاک و اشیای امیریه دن :

۱۴ - املاک امیریه حاصلاتی و فروخت اولنان اشیای بدلاتی ؛ کرک اولدن بری دولت عهده سنده بولنان و کرک اخیراً خزینه خاصه دن دور اولان املاک امیریه نک تحصیل اولنان ایجار و حاصلاتیه دولت مالی اولوب فروخت ایدیلان اموال منقوله و غیر منقوله نک النان بدلاتی بر قلمده (شم) اشارتی تحتده تحتده بیلدیریه جکدر .

۱۵ - میری اورمانلری حاصلاتی ؛ مذکور اورمانلردن چیقاریلان محصولاتدن آلتان مقادیر کذلک بر قلمده و (مر) اشارتی تحتده بیلدیریه جکدر .

یدنجی قسم - مقطوع ویرکوردن :

بو قسمک طشره مال صندوقلرینه تعلق یوقدر .

سکزنجی قسم - حاصلات متفرقه دن :

۱۶ - اچیه فرقی ، جزای نقدی ، حجاز شمندوفری و اوراق تقدیه سی اثمانی ، معارفه عائد ذبحیه رسومی و مکتبلر حاصلاتی و حاصلات متفرقه ؛ اشبو ناملرله النان مبالغ دخی برلشدیریلوب جمله سی بر قلم اوله رق بیلدیریه جک و نلقرافنامه لرده (حت) اشارتیه کوستریله جکدر .

بودجه نک اشبو قسمنده محرر دیکر وارداتک کذلک مال صندوقلرینه تعلق یوقدر .

مقدار تحصيلاتی مشعر هر آي كشيده اولنه حق تلغرافنامه نك

نمونه سی :

مالیه نظارته [قضا لرحه (..... محاسبه هیلکنه)]

ایستاتیسیم : مارت

۱ ۸۷۵ ۶۳۰	بر میلیون سکر یوز یمش بش بیک الی یوز او توز	(م)
• • • • •		(ت)
• • • • •		(ع)
• • • • •		(بق)
• • • • •		(ط)
• • • • •		(غ)
• • • • •		(عش)
• • • • •		(سا)
• • • • •		(خ)
• • • • •		(ق)
• • • • •		(لصر)
• • • • •		(با)
• • • • •		(معا)
• • • • •		(شم)
• • • • •		(مر)
• • • • •		(حت)

بش میلیون طقوز یوز یکر می اوچ بیک

یکون ۵ ۹۲۳ ۷۵۰

یدی یوز الی غر و شدر .

امضا

تخصیلات شهریه تلغرافنامہ لری بہمہ حال بالادہ کی نمونہ سنہ توفیقاً ترتیب اولتون فضلہ ویانقہسان کلمہ بولندیرلیمہ جق و بولندردن برویا برقاچندن تخصیلات اولمدینی حالده تلغرافنامہ لردہ اشارت مخصوصہ سی ینہ قونیلوب یلینہ (یوقدر) کلمہ سی یازیلہ جقدیر .

ہر ویرکونک اسملری کی کوسترن سالف الذکر اشارات مخصوصہ نمونہ دہ محرر اولدینی اوزرہ بہمہ حال پازانتہز () ایچروسنہ آلنہ جق و مقدارلر ہررقم و ہم یازی ایلہ کوستریلوب آلت آلنہ یازیلہ جق و اون غروشدن دون کسورات خذف ایڈیلہ جکدر .

بوصورتک محافظہ سی تأمیناً تلغرافنامہ لک کرک مخرج مرکز لرنجہ کشیدہ و کرک متوسط و مورد مرکز لرنجہ اخذندہ تلغرافنامہ لرجہ دہ التزام دقت و سرعت اولنسی ایچون تعمیلاً مراکزہ تبلیغات مقتضیہ ایفاسی ضمنتہ پوستہ و تلغراف مدیریت عمومیہ سنہ تبلیغ کیفیت ایڈلمش اولدینندن مأمورین مالہ جہ دہ بوخصوصہ اعتنا اولنہ رق برویرکویہ عائد مقدار تخصیلاتک دیگر ویرکو خذاسنہ یازلمسی و اشارت مخصوصہ نک یکدیگریہ قاریشدیرلمسی کی حالاتہ قطعاً میدان ویرلماسی مقتضیدر .

تخصیلات عمومیہ بی مبین سالف الیان ہر آی کشیدہ اولنہ جق تلغرافنامہ لردہ بیلدیریلہ جک مقادیرک قیود اساسیہ موافق وجداول شہریہ یہ مطابق اولہ جفی وارستہ تذکاردر . خزینہ جہ مذکور تلغرافنامہ لر بالآخرہ کوندیریلہ جک اولان شہریہ جداول و واردات اجمالریلہ تطبیق ایڈیلہ جکی جہتلہ مبیانت کورلدیکی حالده مأمورین عائدہ سی علی الدرجات شدیداً مشول ایڈیلہ جکدر .

اصول مزبورہ بیک اوچیز یکرمی آلتی سنہ سی ابتداسندن اعتباراً تطبیق ایڈیلہ جکی و حالبوکہ اشبوتخیزات عمومیہ نک لوا و قضالہ وصولنہ دکین مارت ، نیشان ، مایس آیلری مرور ایش بولنہ جفی جہتلہ تاریخ وصولندہ مرور ایلیان آیلرہ عائدہ مقدار تخصیلات - ہر آی آری آری

اولی اوزره - بالاده کی تعریفات دائره‌سنده همان بالترتیب مستعجل
بیلدیریله‌جک و شهر آتیه تحصیلات عمومیه سی وقت وزمانیه منتظماً
تلفرافله اشعار اولنه‌جقدر .

بروجه محزر ایفای مقتضای واشبو تحریرات عمومیه‌نک لفاً مرسل
نسخه‌لرندن برر عددینک مایحق لوالره و قضالره توزیع وارسالی توصیه
اولنور
فی ۱۸ نیسان ۳۲۶



سنه حالیه مارتی ابتداسنه مدور موجود صندوق مقداری مین
ورود ایتسکده اولان تعداد مضبطه‌لرینک حین تدقیقنده برچوق محالرده
لزومندن بک فضله پاره بولندیرلرینی وازان جمله قره‌حصار شرقی مال
صندوقنده بر میلیون یوز اون آلتی بیک یدی یوز الی طقوز غروش
موجود اولدینی کورلمشدر . تحصیلات واقعه‌دن مصارف محلیه‌یه کفایت
ایده‌جک مقدارندن ماعداسنک قضالردن لوالره و لوالردن ولایتاره و ولایتلردن
دخی خزینه‌یه اسراسی مقتضی ایکن مال صندوقنده بوقدر کلی برمالغک
موقوف طوقلسی خزینه دولتک فائض یوزندن ضررینی بادی و بناء علیه
موجب مسئولیتدر . فیابعد مال صندوقلرنده مصارف مرتبه‌یه کفایت
ایده‌جک مقدارندن قطعاً فضله آچه بولندیرلمه‌رق قضا و لوالردن مافوق
مال صندوقلرینه و ولایتلردن ده خزینه‌یه کوندیرلملیدر . شایدینه‌بوصورتله
فضله آچه بولندیرلرینی حساباتجه تحقق ایدر و یامفتشدر طرفندن اثنای
تفتیشده کوریلورسه‌مبالغ موقوفه‌نک یوزده یدیدن فائضی مسبلرینه تضمین
ایتدیریله‌جک و ایجابی تقدیرنده عزل دخی اولنه‌جقدردر . اشبو تحریراتک
وصولندن اعتباراً صور مشروحه دائره‌سنده معامله ایفای و نسخ کافیه‌سی

لفاً تسییر قلمش اولدیغندن برنسخه سنك ملحقاته ارسالی لزومی بیان
اولنور فی ۱۸ نیسان سنه ۳۲۶



کچن ۳۲۵ سنه سی ظرفنده عسکری تقاعد عائداتی اوله رق مال
صندوقلرنجه قاچ غروش توقیف اولنوب قاچ غروش ایتام ومتقاعدین
عسکریه معاشی ویرلشدیر همان تلغرافله بیلدیریکئر
فی ۱۹ نیسان سنه ۳۲۶



سلاح الته دعوت اولنان اقراد ردیفه میاننه داخل اولان مأمورین
مالیه وتحصیلیه استثنای اولندیغنی حالده معاملات وتحصیلاتک خللدار اوله جنی
اشعارات واقعه دن اکلانلادیغندن بوسنه لك یالکیز تحصیلدارلرک استثناسیله
سنه اتیه دن اعتباراً بو باده عمومی بر تدبیر اتخاذ اولنمی حقنده سبق
ایدن قرار و اشعار اوزرینه حربیه نظارت جلیله سندن وارد اولوب مجلس
وکلاده مطالعه اولنان تذکره ده بیان اولندیغنی وجه ایله بومثللو مأموریندن
برقسنك بعض احوالده استثنای جاز اوله بیلور ایسه ده مأمورین مومی
الیهمك الی الابد عین مأموریتده استخدام اولنمی جقلری کبی ایکی سنه ده
بر دفعه تعلیم ایچون واقع اوله جق دعوت انجق برر آیلق زمانه منحصر
اولوب بوقدر مدتله مأمورینك مآذوناً ویا اسباب صحیه بناء ایشلری

باشندن آیرلملری کثیرالوقوع اولمقله برابر وقت سفردہ اردوی هاپونک
قوای اصلیه سی تشکیل ایدہ چک افرادریدنه نک ترقیات حاضرہ عسکریه یه
کوردہ تعلیم و تربیه ایدیلہ رک حربہ حاضر بولندیرلملری مقتضی اولدیغندن
اردونک قابایت حربیه سی تنقیص ایتمک ایچور ردیف قانوننامه سنہ
توفیقاً دعوت اولنمیانلرله اساساً پیاده تعلیمی کورمکده بولنان زاندارمه
افرادندن ماعداهر نه وظیفه وصنعتده بولنور ایسه بولنون برای تعلیم
سلاح التہ دعوت اولنه حق افراد ردیفه دن هیچ بر کیمسه نک سنہ
آتیهدن اعتباراً استنا ایدلمامسی تذکر اولندیقی بیان عالیه سیله اجرای
ایجابی شرفوارد اولان ۴ نیسان سنہ ۳۲۶ تاریخ وایکی یوزیدی نومرولو
تذکرہ سامیه ده امر واشعار بیورلمش وکیفیت بالعموم مأمورین مالیه
تبلیغ ایدلمش اولمقله قرار واقع اوراجده ده معلوم اوله رق اشبوتخیراتک
لقاً ارسال قلنان نسخ کافیه سندن برر عددینک ملحقاته ارسالی لزومی
بیان اولنور

فی ۲۱ نیسان سنہ ۳۲۶



۳۲۵ سنہ سنہ عائد حاصلات وقفیه نک بعض محالرجه تسویه ایدلمکده
ایدوکی محالرنک اشعارینه عطفاً اوقاف نظارتندن بیلدیرلمشدر حاصلات
مبحوثه دن سنہ مذکوریه راجع اوله رق تأدیہ ایدلمه مش پاره وارسه نیسان
نهایتہ قدر بهمه حال تسویه سی

فی ۲۲ نیسان سنہ ۳۲۶



۳۲۵ سنه سنده اعشاری امانته قالان محللر اسامینک وموجود ذخیره اولدینی حالده شمدی به قدرالدين چیقارلماسی اسبابی ایله جنس ومقدارینک عاجلاً اشعار ویلدیریلن مقدار دن صاتیش وقوغنده بدلی ایله مقدارینک بلا تأخیر انبای

فی ۲۴ نیسان سنه ۳۲۶

ممالك عثمانیه نك دیون عمومیہ واردات مخصوصه اداره شعبه سی وپول بابی بولمیان محللر نده ایجاب ایدن پوللرک بولندیرلمسی تأمیناً پول فروختنک صورت اجراسی حقنده قلمه النوب اراده سنه جناب پادشاهی به اقتران ایندیکی ۱۵ نیسان سنه ۳۲۶ تاریخی تذکره سامیه ایله تبلیغ بیورلمش اولان نظامنامه نك نسخ مطبوعه سندن عددی لفا کوندرلمش اولمغله ملحقاته انرا وصور ووسائط ممکنه ایله لازم کلنلره تفهیم وتبلیغ بیورلمسی بیانیله تأیید احترام اولنور

فی ۲۴ نیسان سنه ۳۲۸

§

دیون عمومیہ شعبه سی بولمیان وپول بابی تعیین ایدلسی قابل اولمیان محللرده پول فروختنک پوسته وتلغراف ویا رسومات مأمورلری معرفتله ویا خود مختارلرواسطه سیله اجراسی حقنده دیون عمومیہ عثمانیه اداره سی طرفدن قلمه النان لایحه نظامیه ترجمه سی صوتیدر

برنجی ماده دیون عمومیہ اداره سی شعبه سی بولمیان وپو بابی

تعیین ایدلمسی قابل اولیان محللرده عتیق ومنضم بوللرك فرختی اولاً :
محلی پوسته وتلغراف مأموری ثانیاً : پوسته وتلغراف مأموری بولندینی
حالده رسومات مأموری معرفتیه ثالثاً : بوده بولندینی صورته مختارلر
واسطه سیطه رسماً اجرا ایدیه جکدر .

ایکنجی ماده اک یقین بولنان دیون عمومیه اداره سی مذکور
مأمورلره مختارلردن تصفیة حساباته قدر حکمی جاری بش یوز غروشلق
بر کفالت آلدقندن صکره مفرداتلی مقبوض مقابلنده ویره سیه اوله رق
حد اعظمی بش یوز غروشی قطعاً تجاوز ایتمک اوزره بش یوز غروشه
قدر اقتضا ایدن بوللری مومی الیهه تسلیم ایده جکدر .

موجود بولندیر یله جق بوللرك نوعلریله اشو موجودك حد اعظمی
تعیین ایتمک عائد اولدینی محلك مربوط بولندینی دیون عمومیه اداره سی
باش مدیریته راجع اوله جقدر .

اوچنجی ماده مذکور مأمورلره مختارلر فروخت ایتمش اولدقلری
بوللر اتمانك یوزده بشنه مساوی بر قومیسون عائدات اوله رق اخذ
ایده جکلردر .

دردنجی ماده مذکور مأمورلر ایله مختارلر بیع ایچون اولان
احتیاج نسبتنده کندولرینه مقتضی بوللرك بر بوردروسی مربوط
بولندقلری دیون عمومیه اداره سته ارسال ایده جکلردر . بو بوردرو ایله
برابر طلب ایدیلن بوللرك بدلیده یوزده بش قومیسونك تنزیلندن صکره
کوندریله جکدر .

بشنجی ماده بوجه ایله طلب ایدیلن بوللری دیون عمومیه اداره سی
ایصال ایده جك وبو بوللرك ارسالی بر کونه مصارف اختیارینه لزوم
کوستر ایسه مصارف واقعه اداره مذکوریه عائد اوله جقدر .

التهنجی ماده مذکور مأمورلره مختارلرك استعفا و اجرای تقاعد
ویجایشلری ، عزل و وفاتلری وقوعنده بون فروخت ایدن مأمورك مافوق

اولان مأمور و مختارلرک عزل و انفصال و یا وفاتی حالده قری هیئت
اختیاریه سی دیون عمومی اداره سنی بلا افاته وقت احوال مذکور مد
خبردار ایدم جکدر .

یدنجی ماده التجی ماده ده ذکر اولنان احوال دن بری وقوع ده
دیون عمومی اداره سی بوجه آتی مأمور مومی الیهک « پول » حسابی
در حال تسویه ایدم جکدر . موجود پوللرک بدلای مطلوب حسابندن
چیقاردق دن صکره بقیه سنک یوزده بشی ده تنزیل ایدم رک مقدار متباقیننی
نقداً طلب ایدم جکدر .

بر نقصان ظهوری حالده نقصان مذکور مأمور مدیون و یا کفیل
طرفدن تسویه ایدیله جک عکس تقدیرده دیون عمومی اداره سی انلر
علینیه اقامه دعوی ایدم جکدر .

سکرنجی ماده دیون عمومی اداره سی مأمورلری مذکور مأمور
و مختارلر تسلیم ایدیلن پوللر موجودینی تحقیق ایتک صلاحیتی حائر
اوله جقدر .

طقوزنجی ماده پول فروخت ایدن مأمورلر پول فروختی وظیفه سنه
دائر خصوصیات ایچون مربوط بولندقلری دیون عمومی اداره سیله
طوغریدن طوغرییه مخابره ایدم بیلیرلر .

اونجی ماده اشبو نظامنامه نك اجرای احکامی ایچون دیون عمومی
باش مدیریتلری کندی دائرة مأموریتلری حکومت محلیه سی ایله و یا پوسته
وتلغراف و رسومات باش مدیریتلری ایله ائتلاف حاصل ایدم جکدر .

قی ۱۳ ربیع الاخر سنه ۳۲۸ و فی ۱۰ نیشان سنه ۳۲۶

كرك داخل دفتر كرك خارج دفتر قرای موقوفه نك مشروط انهي
اولان خيرات ومبراتك اليوم معمور ومرترقه سی موجود اولوب اولمديني
حقنده عرطرفدن مجلس اداره حكومت معرفتيه تدقيقات اجرا ايدرك
مدرس ويا خراب بر حالده بولنانلرك اساميسي ومقدار بدلاتي حاوي
مصدق برقطعه دفتر كوندريككه برابر بدلات مبحوثه ايچون بيك اوچيوز
يكرمي بش سنه سنده تأديه سي حواله اولنان مبالغك كيملره وهانكي محلا ره
تأديه اولنديني ميين وقود مجليه مستند ديكر برقطعه مفرات دفترينك
دخي بالتظيم ايكي آيه قدر نظارته ارسالي ۲۰ كانون اول سنه ۳۲۵ تاريخي
تحريرات عموميه ايله طلب اولنشيدي . ايستيلان دفترلردن ايكنجيسينك
وصول تحريراتدن اعتباراً نهايت بر آيه قدر وتحقيقات وتدقيقاته محتاج
اولان برنجي دفترك نهايت ايكي آيه قدر بهمه حال تنظيم وارسالي وبونلرك
تعيين اولنان اشبو ميعادظرفنده كوندريلماسندن طولاي ذات شريفلري
مسئول طوتيله رق حقكزده اكا كوره معامله اجرا اولنه جغندن ماحقات
مأمورين ماليه سندن مطلوب دفترلري كوندريمانلر حقنده قطع معاش كي
معامله جزائيه اجرا ايتمكز لزومي ۱۰ مارت سنه ۳۲۶ تاريخنده تأكيذاً
ييلديرلديكي حالده طرفكزردن بوبابده هيچ بر دفتر وارد اولمامسي جداً
موجب تأسف اولدي بناءً عليه تدقيقات وتبعات لازمه هنوز اكمال
اينلامش ايسه مدت قليله ظرفنده اكمال اولنهرق بري داخل دفتر قرای
موقوفه ديكرى خارج دفتر اولانلره مخصوص اولهرق ترتيب اولنوب
لزومي قدر نسخهي لفاً كوندريلان نمونه لره توفيقاً مطلوب دفترلرك
تنظيميله برآن اول خزينه ارسالي وشمدي به قدر بوبابده نهاييلوب
ايشك اليوم نه راده ده اولديغنه دائر وصول تحريراتده معلومات اعطاسي
لازم كلور .

مجلس مبعوثانه تقديمي مقرر اولان مذكور دفترلرك تأخر تنظيمي

حقنکرده موجب محجوبیت ومـؤلیت اوله جفنندن برآن اول یاییاوب کوندرلمسی ایچون اقتضاسنک ایناسی کمال اعمیتله تکرار توصیه واشبو تحریرات عمومیہ ایله سالف الذکر نمونه نکلن کوندریلان نسخ مطبوعه سندن بور عددینک ایجاب ایدن ملحقاته ارسالی وایستیلان دفترلرک نه نهایت نه تاریخه قدر کوندریله جکنک یازیله حق تحریراتده صراحة کوسترلمسی لزومی بیان اولتور .

فی ۲۴ نisan سنه ۳۲۶

۵۰

بعض محالرده حکومته عائد مبانی بولنماسندن ویاخود موجودک احتیاجه کافی اولماسندن طولانی اورالرده مجدداً وتوسیعاً حکومت دائرهلری انشا وبعض محالرده موجود حکومت قوناقلرینک غیر قابل اسکان بر درجه ده خراب بولدیغندن بحث ایله بونلرکده تعمیراتنک اجرایی ضمتده مبالغ کلیه نکل صرفی ایچون مأذونیت اعطاسنه لزوم کوسترلمکده اولدینی اشعارات ومراجعات متوالیه دن اکلاشللمقده دره واقعاً بالجملة دوائر امیرییه نکل شان حکومت لایق برطرزده بولنمسنده کی لزوم واجتیه غیرقابل انکارایسه ده بوبابده لازم کلن تعمیرات وانشاآتک اجرا ایدیه بیلمسی برخی مبالغه متوقف اولوب حال بوکه مجلس عالی ملییه تقدیم اولنوب دردست تصدیق بولنان سنه حالیه بودجه سنه حکومت قوناقلری انشاآت و تعمیراتی قارشولنی اوله رق انجق اون بش بیک لیرا داخل وسنه ابتدایی اولدینی حالده انشاآت و تعمیرات ایچون طلب اولنان مبالغ بودجهیه موضوع مقدارک برقاچ مثلته بالغ اوله رق تخصیصات مذکوره ایله انشاآت و تعمیرات میجونه نکل تأمین غیر قابل بولنش وعلی الخصوص سالف الذکر اون بشیک لیرا دن شمدییه قدر برقسیده صرف ایدلینکی جهتله سنه نهایته قدر اداره مصلحت ایدیه

بیلک اوزرہ صرفیاتدہ بغایت تصرفہ رعایتہ مجبوریہ حاصل اولمش اولدیغندن بعدما سالف الذکر مقدار خصصات نظر دقتہ آلہرق بوقیل مصارف تعمیریه وانشایہ دن قابل تأخیر و مقدار کی کثیرا و لانلرینک آتیہ تعلیقہ طلب ماذونیت حقندہ واقع اوله جق اشعاراتک فوق العادہ مبرم و مهم اولان مصارفہ حصری و عکس حالده اشعارات واقعہ بالضرورہ استعاف اولنہ میہ جفی جهتہ بیروده مخبراته محل براقلماسی و برده مصارفی ایکی بیک غروشی تجاوزایدن انشا آت و تعمیراتک کشفنامہ لرینک تنظیمی متعاقب مناقصیه وضعی و طلب ماذونیتی متضمن اولان انہالہ کشفنامہ لر ایله برابر مناقصہ اوراقکده ربطی ۱۷ کانون اول سنہ ۳۲۵ تاریخلی تبلیغات عمومیہ اقتضاسندن ایسده انشا آت و تعمیراتک مناقصیه وضعندن مقصد تنزیل بدل صورتیله خزینہ یه منفعت تأمینندن عبارت و بوده طالبالرجہ حصول رغباتہ وابستہ اولوب حال بوکہ اوراق کشفیه و مناقصہ نک خزینہ یه و رودیله بالتدقیق ماذونیت اعطاسنہ قدر بالطبع ارمہ دن برخیلی مدت مرور ایدرک بو تأخر مدت مذکورہ ظرفدہ مالزمہ فیثاتنک ترقی ایتمی و تخصیصاتک عدم مساعدہ سندن طولانی انہانک قبول ایدیله مامسی احتمالی نظر دقتہ اله جق اولان طالبالرجہ مناقصیه رغبت ایتمالری مستلزم اوله جقنہ نظراً اوراق کشفیه نک تنظیمی متعاقب مناقصہ اجراسی حالده مقصود اولان منفعت حاصل اوله میہ جقندن و بعض طرفدن النان معلوماتده بونی مؤید بولندیغندن طالبالرجہ جلب رغباتی موجب اوله بیله جک تدایردن اولمق اوزرہ بعدازین اجرا قلته جق انشا آت و تعمیرات ایچون یالکز اوراق کشفیه ارسالی و بونک خزینہ یه معامله تدقیقہ سی ایفا اولنہرق مصارف انشایہ و تعمیریه نک قبولی حالده و یریله جک ماذونیت اوزرینہ مناقصہ یا بیلهرق بلا افاتہ وقت نتیجه سنک

انبیا و وریله جک مأذونیت اوزرینه احاله معاملہ سنک اجرایی مناسب
کوریلہ جک بالعموم ولایات والوئہ غیر ملحقہ یہ نبلیغ ماده قلمش اولمقله
اکا کوره اجرای ایجابنه همت بیورلمی .

فی ۲۴ نیسان سنه ۳۲۶



تمتع نظامنامه سنک بشنچی ماده سنک فقره اخیرہ سنده ارزاق وطریق
متعهدلریله اعشار و رسموات متنوعه ملتزمی ویرکولرینک بدل تعهد
والتزامک یوز بیک غروشه قدر اولان مقدارندن یوزده اونی و یوز
بیک غروشدن زیاده سندن یوزده بشی تمتع اعتبار ایدیلهرک اشبو تمتعک
یوزده اوچی نسبتده طرح اولنه جفی محرروهر محلدہ بونلرک صحتی وجهله
تمینی و ویرکولرینک بر موجب نظام طرح و توزیعی متعهدینک اسامیسیله
تعهد ایلدکلری مقدارک بیلنمسنه متوقف اولمسیله متعهد و ملتزمک
اسامیسیله تعهدات واقعلرک قاج غروشی محتوی اولدیغی مین هر آی
جهت عائد سندن برر قطعہ دفتر النهرق مذکور دفترلرده کوستریله جک
مقدار اوزرندن بونلره عائد تمتع ویرکولرینک بر موجب نظام طرح
و توزیعیله حقوق خزینہ نک ضیاعنه میدان ویرلماسنه اعتا اولنسی تعمیماً
مأمورین مالیہ تبلیغ ایدلمش واشبو تحریرات عمومیہ نک نسخ کافیہ سی
ملحقاته تودیع اولنق اوزره لفاً کوندرلمش اولمقله اکا کوره ایضای
مقتضایی بیان اولتور اقدام .

فی ۲۴ نیسان سنه ۳۲۶



تکایا وزوایا و مناسترلره عائد اولوب قدیماً رسمدن معنوا اولان و قبل
التعداد دفترله ادخالی لازم ککن اغنامک مقادیریه عائد اولدینی محاکمک
اسامیسی و قیداً صورت استثنائی حقنده کی فرامین و سائره محتویاتی مبین
دفترینک بالتنظیم مصدقاً ارسالی فی ۲۵ نیسان سنه ۳۲۶



اوچیوز یکرمی بش سنه سی بودجه قانونی موجبجه معارف و منافع
حصه لری بقایاسنک مأمورین مالیه واسطه سیله تحصیل ایدمک اوزره مال
صندوقلرینه دوری لازمه دن اولمسنه مبنی اوچیوز یکرمی درت سنه سیله
اندن اولکی سنه لره عائد مذکور حصه لردن اولان بقایانک سنداتیله برابر
زراعت بانکهلرندن تسلیم ایدیلهرک دفترینک تنظیم و ارسالی ۲۳ شباط سنه
۳۲۵ تاریخی و یوز قرق سکر نومرولو تحریرات عمومیه ایله تبلیغ اولمش
ایدی. مذکور بقایا ایچون بدایه استیفاً و تمیزاً اختیار اولنان مصارف
محا که دن غیر از محسوب قالان مقدارندن مقدمایانقه سرمایه سندن مصروف
قسمنک بقایا تحصیل اتندن توقیف و محسوبی تجارت و نافع نظارت جلیله سندن
اشعار ایدمش اولوب مصارف محا که زراعت بانکهلری سرمایه سندن
مصروف و بانکهنک مالی اولمسنه نظراً مصارف مذکورهنک اقدبجه بانک
سرمایه سندن مصروف قسمنک بقایا تحصیل اتندن توقیف و محسوبی ضروری
اولغله مذکور حصه لر بقایاسنک سنداتیله برابر مال صندوقلرنجه تسلیم
ایدیلکی صرده غیر از محسوب دور اوله حق مصارف محا که نکده دفتری
و اوراق سائره سیله برابر تسلیم ایدیلهرک مصارف مزبورهنک تمامنک بقایای

مذکور دایله بر لکده حین تحصیلر ندمال صندوقلرنجه ایراد قیدی تنسیب اولنه رق اکا کوره تعمیماً اشعار اولمقله اورا جده بر منوال محرر معامله ایضاسی واشبو تحریرات عمومیه نك لفا کوندر یلان نسخ مطبوعه سندن بر عددینك ملحقاته اسراسی توصیه اولنور

فی ۲۷ نisan سنه ۳۲۶

(۵)

۵۴

طرف دولتدن منصوب بالعموم مأمورین ایله معاش آلمقده اولان معزوللرینك اشعار التزام ایتملری و ملتزم لره عقد شرکت ایلملری اشعار نظامنامه سی موجب نجه ممنوع ایسه ده شو ممنوعیتك حکومه عائد تارلا و باغ و باغچه و چفتلك ایله بونلرده یتیشن محصولات و مزروعاتك فروختی و املاك و عقارات امیری نك بیع و یا ایجاری حقنده اجرا قلنان مزایده لرده شمولی اولوب اوله میه جفته دائر وقوع بولان استفسار اوزرینه شرفوارد اولان تذکره سامیه ده بومزایده لره اشتراك ایده چك اولان مأموریندن معاملات واقع نك اجرا سنه مأمور اولانلرك و لهلرنده شهادتی قانوناً مقبول اولمانلرك استتاسیله دیگر لرینك مزایده یه اشتراك لرینك قبول ایلمسی شورای دولت مالیه و نافع و معارف دائره سی قرار یله امر و ازار بار بیورلش و محله احکام عدلیه نك بیک یدی یوزنجی ماده سنده ابا و اجداد و امهات و جداتك اولاد و احفادی لهلرینه و اولاد و احفادك ابا و اجدادی و امهات و جداتی لهلرینه واحد زوجینك دیگر ی لهنه و كذلك بر کیمسه نك اتفاقیله تعیش ایدن آدمك واجیر خاصنك کندی لهنه و شریک لرك مال شرکته یکدیگری لهنه شهادت لری و کفیل بالمال اولان کیمسه نك اصیل طرفندن مکفول بهک ادا اولندیغنه شهادتی مقبول اولیه جفی بیان و تصریح ایلش

اولد یغندن و املاک و اراضی امیریہ نك مزایدات و احالاتندہ طوغریدن
 طوغری یه علاقہ دار اولانلر مال و املاک امیریہ مأمورلری بولند
 یغندن مجله احکام عدلیہ و تذکرہ سامیہ مؤداسی موجبہ
 مأمورین مومی الیم ایله باباودده والدہ و بویوک والدہ و اولاد و طورون
 و زوجہ سی و کندی اتفاقیله تعیش ایدن آدمیله خدمتکار و شریک و کفیل
 و کفالت ایتدکلری کیمسه لرك امر مزایده و احالہ یه اشتراک ایدہ میوب
 بولردن ماعدا اولان مأمورینك اشتراکی جائز اوله جنی جهتله املاک
 و محصولات امیریہ مزایداتی حقتده بعدما اول وجه ایله معامله ایفاسی
 خصوصنه اعتنا ایدلمسی بیان اولنور

فی ۲۷ نیشان سنہ ۳۲۶



متقاعدین ملکیه و عسکریه ایله ایتم وارا ملک نیشان معاشاتنك
 سابق وجه ایله تسویه سنہ مآذونسکر .

فی ۲۸ نیشان سنہ ۳۲۶



شورای دولت مالیه و نافعہ و معارف دائرہ سی مضبوط سی صورتیدر
 مالیه نظارتنك شورای دولته حواله بیوریلان ۳ ربیع الآخر سنہ

۳۲۸ تاریخچی واونائی نومرولو تذکره سی مالیه و نافعہ و معارف دائرہ سنده قرائت اولندی مآلنده تعدیلاته دائر ویریله جک استدعایامه لک و ویرکو مأمورین و کتبه سنک محتاج ضم کوردکلری املاک و اراضی ویرکوسنه دائر احطاً ایدم جکلری دفتر لک سنه ابتداسندن ایلول نهایتنه قدر قبولیه معاملات تعدیلیه و حسابیه ایله دفاتر تحریریه جه مقتضی معاملاتک اوسنه نک تشرین اولندن شباطی نهایتنه قدر اجراسی اصول سابقه اقتضاسندن بولندی حالدیه قیمت لک فاحش اولسندن ناشی تعدیلی اصحابی جانبندن طلب ایدیلان املاک متراکم ویرکوسی ویرلمدکجه اولابده کی مستدعیاتک عدم قبولی قاعده عدالتیه موافق اوله میه جقندن فیابعد کرک طشره لرجه تعدیل قیمت حقنده و قوعبوله جق مستدعیاتک همان تدقیق و معاملات لازمه سنک اجراسی ۶ کانون اول سنه ۳۱۷ تاریخچی بیوردی سامی ایله مبلغ اراده سنیه اقتضاسندن بولسنه مبنی اصول مذکورہ نک دوام جریانیه محل قالماسیله طلب تعدیلی متضمن ویریله جک استدعایامه لک وقت و زمان ارا تفسیرین قبولی ۲۲ نisan سنه ۳۱۸ تاریخنده مأمورین مالیه یه تبلیغ ایدلمش و تبلیغات واقعه الیوم مرعی الاجرا بولسان املاک ویرکوسی نظامنامه سنک التتجی ماده سنک فقره اخیره سی احکامنده توافقی ایلمکده بولمش ایسه ده تحصیل اموال قانوننک اوچنجی ماده سی موجبجه هر سنه مارت ابتداسندن اول تکالیف جدول لرینک مأمورین تحصیلیه یه و ویرکو تذکره لرینک مکلفینه توزیعی لازم کلش اولسنه مبنی جداول و تذاکر مذکورہ نک مارتدن اول املاسنه مباشرتله اکمال ایدلمسی مقتضی اولوب حالبوکه کانون ثانی و شباط آیلری ظرفنده واقع اولان مستدعیاتک مختلر طرفندن کشفی ورموجب نظام اصحاب املاکه اخبار نامه تبلیغندن صکره اعتراضاً ویریله جک دیگر عرضحال اوزرینه دوائر متعلقه سنجه نتیجه استحصالی مارت نisan اواسط و اواخیرینه قدر امتداد ایلیه جکی و سالف الذکر املاک ویرکوسی نظامنامه سنک التتجی

ماده سی فقره اخیره سی حکمنجه تعدیلاتک برسنه صکره یه تعلیق مکلفینک شکایاتیله برابر معامله تعدیلیه و قیود تحریریه جه تشویشات ومشکلاتی استلزام ایلیه جکی جهتله بوکبی دائمی الظهور اوله جق مشکلاته محل قالماق و برسنه ایچنده ویریلان استدعانامه معامله تعدیایه سنک اوسنه ظرفنده بالا کمال ایرتسی سنه تحقیقاتنه کچیرلمک اوزره مذکور تعدیل استدعالرینک کانون اول نهایته قدر قبولی و بوندن صکره وقوع بوله جق مستدعیاتنه عائد معامله نکده ایرتسی سنه یه تعلیق موافق حال ومصلحت بولنش اولدیغندن بالبحث ایجابی استیذان اولنش واسباب محرره یه مبنی ترویج اشعارمناسب کورلمش اوانغله اوجهله ایضای مقتضاسنک نظارت مشارالیه یه تبلیغی تذکر قلندی .

§

املاکک تعدیل قیمتلری ایچون ویریه جک استدعا نامه لرك کانون اول نهایته قدر قبولی و بوندن صکره وقوع بوله جق مستدعیات اوزرینه اوسنه معامله یاپیلمیوب بونلر حقنده ایرتسی سنه ایچنده ویرلمش کبی معامله ایدلمسی سبق ایدن استیذان اوزرینه شورای دولت مالیه ونافعه دائرمندن اعطا اولنوب ۲۰ نیسان سنه ۳۲۶ تاریخی وایکی یوز طقسان یدی نومرولو تذکره سامیه ایله تبلیغ اولنان صورتی بالایه منقول مضبوطده محرر قرار اقتضاسندن اولسلیله کیفیت مأمورین مالیه یه تعمیماً تبلیغ قلنش اولدیغندن اوراجهده اکاکوره ایضای مقتضایی واشبو تحریرات عمومیه نک لفا کوندربلان نسخ مطبوعه سنندن برر عددینک ملحقانه اسراسی توصیه اولنور

فی ۲۹ نیسان سنه ۳۲۶

۱۳۲۵ سنہ سی مخصوصانہ کورہ مایس آئینہ مخصوص موقت بودجه تصدیق اولنوب محاسبه عمومیہ دن مصداقاً دوائر عائدہ سنجه در دست ارسال بولنان حواله نامه لرك وصولدن اول مصارف غیر مقتنه دن صرفیاته لزوم کورولدکده ۱۵ تشرین ثانی سنه ۳۲۶ تاریخی عموم موجبنجه نظارت عائدہ سیله بخبره ایدیه جکدر رسوم و تکالیفك سابق وجه ایله تحصیلنه دوام اولنه جقدر .
فی ۱ مایس سنه ۳۲۶



هرنوع واردات و خزینہ دولته عائد حاصلات دوائر طرفندن صرف واستعمال اولنهمیه جتی کبی میری به عائد اولوب صاتیله جق کافه اموال منقوله و غیر منقوله و دمیر باش اشیا بدلاتی ده منحصرأ مأمورین مالیه معرفتیه قبض واستیفا ایدیه جکی بودجه قانونك احکام صریحه سنندن بولندیقی حالده دوائر حکومتجه الدن جیقاریله جق کهنه و فضله اشیا ایچون آره صره خزینہ به اشعار و مزایده ده حاضر بولنق اوزره بر مأمور طلب ایدیلکله برابر اکثر احوالده طوغریدن طوغری به مزایده نك اجرا قلندیقی ا کلاشلمش اولدیقندن بعدما حکم قانونك انفاذی و مضبوطیت معاملاتك تأمین حصولی ایچون دوائر حکومتجه صاتلنه لزوم کوریه جك بوقیل اشیانك اول امرده مقادیر و انواعی و تخمینہ اساس اولق اوزره ممکن اولور ایسه قیم اشتراثیه سی مبین بردفتری بالتنظیم درسعادته استانبول دفتر دارلقغه و لایاتده محلی مأمورین مالیه سنه ارسال و تودیع ایدیه لرك مأمورین مومی الهم طرفندن محلی مجلس اداره لرنجه مزایداتنك اجرا ایتدی رلسی و شوقدر که حقیقی دکر لرینك تعین و تخمینی و صورت

بیلرینک تقدیری متخصصلرینک حضورلرینک لزوم کوسترین اشیا ایچون
اشنای مزایده ده دوائر عائدہ سندن برر مأمور بولندرلمسی و برده صاتیله جق
اشیا جزئی بر مقدارده بولندیقی حالده اکثریا بونلر ایچون طالب ظهور
ایتمیوب ایتسه بیله دکرلرندن پک آز بر بدل اعطا قلمقده اولدیغندن
وبوبایدہ اختیار اولنان کلفت دخی ذات مصلحتہ کوره اکثر احوالده
بی سود قالدیغندن حفظ و ادخارلرنده چوریمک و قیمتدن دوشمک
وسائرہ کبی بر ضرر ترتبی ملحوظ اولیان اشیانک بعدما مزایده یه وضع
ایدیله بیله جک بر مقدار مهمه فاصل اولنجیه قدر بیع و فروختلرینک
تأخیر ایدلمسی مناسب کوراش و کرک در سعادته کرک طشرده مأمورین
عائدہ سنہ بوبایدہ اوامر قطعیه اعطاسی دوائر مرکزیه تبلیغ و اشعار
قلمش اولدیغندن اکا کوره ایقای معامله و ملحقاتده تبلیغ کیفیت اولتمسی
توصیه اولنور .

فی ۲ مایس سنہ ۳۲۶



۱ شباط سنہ ۳۲۵ تاریخی تعریفنامه نك دردنجی حقیقه سنده کی
تعریفات نظر دقتہ آلہ رق بروجه آتی بردفترک ولایت اعتباریله بالتظیم
اون بش کونه قدر پوستیه تودیعیله کیفک اشعاری لازمدر . بو دفترده
اولا ۳۲۵ سنہ سی خدماتندن سال حال مارتی غایه سنہ قدر تحقق معاملہ سی
یابیله مامش اولان ثانیاً مذکور خدماتدن نیسان غایه سنہ قدر تأدیہ
ایدیله میان مبالغ هر نظارت و فصل و ماده لره عائد مقدارلری آیری اولمق
اوزره کوستریله جکدر . ثالثاً کرک تحقق و تأدیہ بقایایی اولان بوفصل
و ماده لردن و کرک بودجه نك دیگر فصل و ماده لردن هر بری ایچون
ویریلن مخصصاتدن نیسان نہایتہ قدر واقع اولان تأدیات بالتزیل احساسی

۱۴۰۵

محررات عمومیه سورتلری

لازم کلن تحصیصات اراؤه اولنه جقدر . اشبو دفترلر محاسبه عمومیه
مدیریت عمومیه سی نامه کوندریله جکدر .

فی ۳ مایس سنه ۳۲۶



۶۰

۳۲۵ سنه سی مارتندن شباطی غایه سنه قدر کچن مدته عائد تحقّق
تحصیلاتی متضمن مرکز سنجاغک هنوز کوندرلیان استاستیق جدوللرینک
ایلك بوسته ایله ارسالی
فی ۳ مایس سنه ۳۲۶



[۶۱ نوصرولو عموم یوقدر]



۶۲

حالیه اغنام رسومنک تسریع تحصیلیه تحصیلاتک بالغ اولدینی
یکونک هر دفعه اشعازی
فی ۲۵ نیسان ۳۲۶



۶۳

اعشارک مزایده واخله مدتلرینی مین بر جدولک سریعاً ارسالی
فی ۴ مایس سنه ۳۲۶



تحصیلات فومیسینلری قرار یله حیز و فروخت اولنه حق اموال منقوله نك بولندینی خانه و مغازه لردن اخراجی ضمننده تحصیلدار لرله برابر بولنه حق اولان محله مختار و هیئت اختیاریه اعضاسیله منادی یه نه اساس اوزرندن اجرت اعطا اولنه جنی بعض طرفدن استفسار اولنوب بو بایده شورای دولت مالیه و نافع و معارف دائره سندن اعطا اولنان مضبوطه کوسترلدیکی وجهله اعشار نظامنامه نك قرق برنجی ماده سنده (بدلی بیک غروشه قدر قری ایچون مقطوعاً ایکی بیق و بیک بر غروشدن بش بیک غروشه قدر یدی بیق و بش بیک بر غروشدن اون بیک غروشه قدر اون و اون بیک بر غروشدن یکرمی بش بیک غروشه قدر یکرمی و یکرمی بش بیک بر غروشدن اللی بیک غروشه قدر اوتوز و بوندن زیاده بدلی اولان قری اللی غروش نسبتده دلایله ملتزم لردن اخذ ایله دلالة و یریلور و دلال متعدد ایسه محلی مجلس اداره سنجه هر برینك درجه خدمته کوره تقسیم اولنور.) ذیه محرر اولسنه کوره بومقوله تعقیباتده بولنه حق مأمورین تعقیبیه ایله منادی یه ماده مذ کوره احکامنه توفیقاً اجرت اعطاسی لازم کله چکی نظارتك اولبایده کی استفسارینه جواباً شرفوارد اولان تذکره سامیده بیلدیرلش و واقعا و یریه چك اجرت بعض احوالده پك جزئی ایسده بر کویده بر چوق اجرا آت یاپیله جفتدن مجموع اجورات ینه یومی بش اون غروشه بالغ اولوب بوده قراده آز کور یله میه چکی طبعی بولنش اولسنه منی اولوجهله اجرای ایجابی ضمننده کیفیت تعمیماً اشعار و اشبو تحریرات عمومیه نك نسخ کافیه سی مربوطاً تسیار قلنمش اولغله اقتضا ایدنلره وسائط مناسبه ایله اعلان و ملحقانده اصولاً تبلیغ کیفیت اولنسی لزومی بیان اولنور.

فی ۵ مایس سنه ۳۲۶



۲۵ مارت سنہ ۳۲۶ تاریخی و ۲۲ نومرولو تحریرات عمومیہ ذیلدر : ۳۲۶ سنہ سنہ مخصوص تنظیم و نشری مقرر اولان استاتیق مجموعہ سنہ درج اولنه جق معلومات اخصایه نك املاسی ایچون ترتیب وار سال اولتان جداول یالکز سنہ مذکورہ طرفندہ کی معاملاتہ مختص اولقلہ برابر مذکور مجموعہ یه کچیریلہ جك معلوماتك سنہ سابقہ ایله مقایسہ سی لازمہ دن کورولش و کرچه ۳۲۴ سنہ سنہ عائد مقادیرك خزینہ یه کوندرلمکده اولان شهریه جداولدن استخراجی ممکن ایسه ده اموال مختلفہ یه عائد تجهیزات عسکریه ترتیبیلہ معارف حصہندن بالتفریق اموال عائدہ لریلہ برلشدیرلمسی بوراجہ غیر قابل بولونمش اولدیفنندن سالف الذکر تحریرات عمومیہ یه مربوط مطبوع جدولہ محرر اموال مختلفہ نك ۱۳۲۴ سنہ سی طرفندہ کی مع تجهیزات و حصہ مصارف یالکز حالہ وسائرہ تحقیقاتیلہ تحصیلاتی مبین آریجہ برجدول یاییلہ رق جداول مزبورہ ایله برلکده کوندرلمسی واعشارایله برلکده آلتقدہ اولان منافع و معارف حصہ اعانہ لری ۳۲۴ سنہ سی طرفندہ زراعت بانکہ لری واسطہ سیلہ تحصیل وجبات اولدیفنندن خصوص مذکورہ یه عائد مقدار تحقیقات و تحصیلاتك مذکور بانکہ دن بامذکرہ صوریلہ رق آلتجق معلوماتہ کورہ اعشار واردا نك مع تجهیزات و حصہ اعانہ کوندرلمسی مقتضیدر بروجه محرر همان ایفای مقتضاییلہ جداول مذکورہ نك مدت معینہ سی طرفندہ بیهمہ حال خزینہ یه یتشدیرلمسی واشبو ذیلک لفاً مرسل نسخہ لرندن برر عددینك ملحق لوا وقضالہ توزیع وار سال اولنسی توصیه اولنورافندم .

فی ۵ مایس سنہ ۳۲۶

افراد عسکریده دن بدل تقدی اعطا ایدم جکر ایچون علی الاصول مجلس اداره و لایحه تنظیم ایدلمکده اولان ثروت مضطهرینه تمغا قانوننک التمش اوچنجه ماده سنه توفیقاً اون غرو شلق مقطوع پول الصاق اولنقده ایسه ده نظامنامه نك معافیاته متعلق اولان قسم مخصوصنده عساكر شاهانه دن سلاح آلتنده بولان وعسکر اولوبده سلاح آلتنه آلمانلر نك خصوصات عسکریه لری حقنده دوائر رسمیه جه تنظیم ایدیلان اوراقلک تمغا رسمندن استثنای مصرح اولمنه و مجالس اداره جه تنظیم ایدلمکده اولان ثروت مضطهرینه نك خصوصات عسکریده دن بولمنه نظر آتمغا قانوننک معافیاته دائر اولان یکر می یدنجی ماده سنک ایکی نومرولو فقره سی موجبجه بولدن معاف اولسی لازم کله جکی تمغا تدقیق قومیس یونندن افاده قلمش و لازم کلاره تبلیغات مقتضیه ایفا ایدلمش اولغله بوقیل ثروت مضطهرینه حقنده بر منوال محرر معامله اولمنی توصیه اولنور .



مأمورین شرعیه تقاعدیه سنک دخی مال صندوقلرنجه بالتوقیف امانات حسابنه ایراد قیدی علی الاصول ارسالی .

فی ۸ مایس سنه ۳۲۶



تنسیقات قانوننک ذیلی صورتیدر

یرنجی ماده ۲۰ جمادی الاخره سنه ۳۲۷ و ۲۵ حریران سنه

۳۲۵ تاریخلی قانونک اجرا و تطبیقہ متعلق بالجملہ امور ومصالح منحصرأ حکومت اجرائیہ ترک ایدلمش و بناء علیہ بوبادہ مجلس مبعوثانہ معطی شکایتاملر ومتفرعاتی حکومت اجرائیہ دور ایدلمشدر.

ایکنجی ماده تنسیقات قانونک موقع تطبیقہ وضفندن متولد وقانون مذکورک اون بشنجی مادهسنہ موافق اولان شکایات سابقہ ولاحقہ ایله اشبو ذیل قانونک تطبیق و اجراسندن منبعث شکایاتک تدقیقی درجہ اولی ده هر نظارتک اولکی تنسیقات قومیسوننده بولنماش اولان ارکانشندن اولقی اوزره بررو جواز استخدام قراریلہ قادرو خارجنده قالان مأموریندن منتخب اوج ذاتندن مرکب اوله رق مجلس وکلا طرفندن تشکیل اولنه حق بر قومیسونہ درجہ اخیرده شورای دولت ملکیه دائرہسنہ عائددر. لدی الایجاب اشبو قومیسونک تعددی جائزدر.

اوجنجی ماده مأمورین ومستخدمین دولتک صورت استخدام وترقی ومتزولیت وتقاعدی بعدازین نظامات مخصوصنه توفیقاً اجرا ایدیلہ جکدر.

دردنجی ماده تنسیقات قانونک بشنجی مادهسی موجبجه قادرو خارجنده قالانلرک وشکایت واقعه اوزرینه بعدالتحقیقات جائز الاستخدام اولقی اوزره قبول ایدیلنلرک معاشلریله مأموریت سابقہسی معاش اصلی ومعدللریندن اقلی تجاوز ایتهمک اوزره اشبو قانونک موقع تطبیقہ وضعی تاریمخندن اعتباراً یوزده الی ضم اولنمشدر. قادرو خارجی مأمورین قانوناً متزولیت معاشنه مستحق اولدقلری حالده ایکی شکک برینی ترجیحده مختاردرلر.

بشنجی ماده تنسیقات قانونک اوننجی مادهسی موجبجه بلا معاش وتضمینات خدمتدن اخراج اولنلرک حققرندمکی قرار سابق یا شکایتک عدم وقوعنه ویا شکایتک قانون دائرہسنده ردینه قرار ویرلسنه مبنی قطعیت کسب ایتمش اولدینی وخدمتلی اون سنہی تجاوز ایلدیکی حالده

استدعای اوزرینه تحقیقات اجرا سیله فقر و احتیاجلری نابت اولدنی
تقدیرده مالیه نظارتنك انہاسی و مجلس و كلا قراریلہ عائله لرینك تأمین
میشتری ایچون کندولرینه و وفاتلری نالنده عائله لرینه محتاجین تربیندن
مقدار مناسب معاش تخصیص قلدور .

التنجی ماده تقاعد قانوننك طقوزنجی ماده سنہ خلل كلمه مك اوزره
تنسیقات قانوننك تطبیقی طولایسیله معزولیت معاشی آلانلرله بالعموم
معزولین سائر نك اشبو ذیل قانون تاریخندن اعتباراً زمان معزولیتلری
صورت مطاقده مدت تقاعده محسوب ایدیلہك و تنسیقات قانوننك
اون برنجی ماده سی موجبہ تضمینات آلہرق اخراج اولنوبده اصولی
دائرہ سنده وقوعبولہحق شکایت اوزرینه جواز استخدانہ قرار ویریلانلرہ
قانوناً تخصیصی لازم کلان معزولیت معاشلری الدقلری تضمیناتدن
تزییل اولنہ جقدر .

یدنجی ماده ۲۰ جمادی الاخرہ سنہ ۳۲۷ و ۲۵ حزیران سنہ ۳۲۵
تاریخی تنسیقات قانوننك بروجہ بالا تعدیل اولنمیان احکامی باقیدر .
سکرنجی ماده اشبو قانوننك تقویم وقایعہ نشری تاریخندن اعتباراً
استانبول ولایتی ایچون آلتی آی و سائر ولایت ایچون برسنہ مرورندن
سکرہ ورود ایدہك شکایات مسموع اولمہ جقدر .

طقوزنجی ماده اشبو ذیل قانوننك اجرای احکامنہ هیئت وکلاماموردرہ .

فی ۷ جمادی الاولی سنہ ۳۲۸ و ۳ مایس سنہ ۳۲۶

اشبو قانوننك موقع تطبیقہ قولنق اوزره تقویم وقایعہ نشری تاریخی : ۱۳
جمادی الاولی سنہ ۳۲۸ و ۹ مایس سنہ ۳۲۶

§

تنسیقات قانوننہ ذیل اولمق اوزره تنظیم و مجلس عمومیجه تعدیلاً

قبول وتصدیق اوله رق مرعیت احکامنه بالاستیدان اراده سنیة جناب
پادشاهی شرف متعلق بیوریلان قانوننامه نك با تذکره سامیه ارسال اولنان
صورتنك نسخ مطبوعه سندن مقدار کافی لفاً تسیار قلمش اولغله
اجرای ایجابی وبرر عددینك ملحقاته کوندرلمسی بیان اولنور .

فی ۹ مایس سنه ۳۲۶



۶۹

بدل تقدی اعطا ایده جك افرادك اهل ثرویدن بولنسی وبدل تقدی
اولان الی لیرانك دفعه ویرلمسی نظامی اقتضاسندن اولدینی حالده بعض
محالیر مال صندوقلرنجه مبلغ مذکورك خلاف نظام اوله رق مقسطاً اخذ
وتسلم اولدیفندن بخله بدلك دفعه اخذ ایتدیرلمسی وسائلنك استکمالی
حریه نظارت جلیله سندن وارد اولان تذکرده ازیار قلمش اولدیفندن
بدل تقدینك بر موجب اشعار مال صندوقلرنجه دفعه وتماماً اخذ
وتسلمیه بعدازین بوکجه مغایر نظام معامله نك وقوعنه میدان ویردیرلماسی
لزومی بیان ومبرسل تحریراتدن برر عددینك ملحقاته توزیع واسراسی
توصیه اولنور .

فی ۱۰ مایس سنه ۳۲۶



۷۰

تیموریولی ولیمان وسائر مؤسسات نافعه استکشافاتی ایچون برقاج آی
مدتله موقه تعیین اولنان مأمورین فیه معاشاتندن فرق ترقی وضم توقیفی
ایجاب ایدوب ایتیمه جکی استیداننه دائر تجارت ونافعه نظارت جلیله سنك
تذکره محوله سی اوزرینه شورای دولت تنظیمات دائره سندن اعطا اولنان
مضبطه ده ملکيه تقاعد صندوقی قانون جدیدینك یکرمی طقوزنجی
ماده سنك بر فقره سنده مأمورین موظفدن ومتقاعدیندن ویامعاشی اولان

معزولیندن اولوب دها زیاده معاشلی بر مأموریتیه تعیین اولنانلرک یا خود بولندقلری مأموریتده معاشی ترقی ایدنلرک ایلک بر آیلقی معاشلرینک مقدار منضمملری توقیف اولنه جنی محرر اولسنه و بونلردن دها زیاده معاشلی بر مأموریتیه تعیین اولنانلرک معاشلریندن مقدار منضمملرینک صندوق ایچون توقیفی مقتضی اوله رق حالوکه عهده لرنده کی مأموریت باقی اولوق و تقاعد و یا معزولیت معاشی قطع اولنماق اوزره موقه بر محله اعزام اولنه جقلره ضم معاش نامیله ایچه اعطاسنه بودجه قانونی احکامی مساعد بولنماسنه منبی بومقوله لره اجرت مقطوعه و یا خرچراه اعطا اولنه رق مخالف قانون معامله اجراسنه میدان ویرنامسک تذکر ایدلیدیکی افاده قلندینی بیان عالیسیله اولوجهله ایفای مقتضاسی شرفوارد اولان ۱۶ مارت سنه ۳۲۶ تاریخی تذکره سامیه صدارتپناهیده امر و اشعار و کیفیت تمعیماً تبلیغ و اشبو تحریراتک نسخ کافیه سی لفاً تسیر قلنمش اولدیفندن بر موجب امر سامی ایفای مقتضاسی لزومی بیان اولنور اقدم فی ۱۰ مایس ۳۲۶



خزینهنک دردست رؤیت بر چوق دعاویسی اولوب بونلرک لایقیله تعقیب ایدلیهرک حقوق خزینهنک محافظه سندم تکاسل اولدینی بعض محللردن واقع اولان اشعاردن ا کلاشلمش و بو حالک دوا می حقوق خزینهنک ضیاعنه سبب اوله جقندن طولانی تجویز ایدیلهمه جکی طبعی بولنمش اولدیفندن خزینهنه عائد اولوب محاکمه هنوز نتیجه لندریله مممش دعوی اولدینی خالده تعقیبات سریعه اجرا و حکمه اقتران ایتدیرلمکله برابر بوقیل دعاوینک مقدار یله الیوم بولندقلری درجات قانونیه بی مین موضح بر قطعه دفترینک سرعت تنظیم وارسالی لزومی تمعیماً بیان اولنورمه فی ۱۰ مایس سنه ۳۲۶



۷۲

جباتی دیون عمومیه به محول محلات اعشار ملتزمیندن نظامنامه نك قرق درونجی ماده سی موجبجه دینلرینك امهالی طنبنده بولنه جقارك املاك محجوزهلری ایجار وحاصلاتنك محكمه ومجلس اداره اعضالرندن متشكل قومیسونجه تدقیق ائشاده دیون عمومیه مأموری ده حاضر بولندیریله قرق قرار نامه نك صورت مصدقه سنك کندیلرینه ویرلمی

❦ فی ۱۰ مایس سنه ۳۲۶

۷۳

بوسنه نك اوستریایه الحاقندن وبلغارستانك اعلان استقلالندن صكره ممالك مذكوره حدودی داخلنده بولنان اراضیده ملك حكمی جاری اولوب او وجهله توارث وانتقال ایده جکی ومع هذا بو حکمك الحاق واستقلالدن اولکی زمانه شمولی اولیه جفی بوسنه اهالیسندن بعضیلری طرفندن وقوع بولان مراجعت وخارجیه نظارت جلیله سندن وارد اولان تذکره اوزرینه فتواخانه دن افاده واستانبول محاکم شرعیه سنه تعمیماً تبلیغ ماده اولندینی شرفوارد اولان ۱۹ نیسان سنه ۳۲۶ تاریخی و اوچیز آلتش درت نومرولو تذکره سامیده امر واشعار بیورلمش وکیفیت بالعموم مأمورین مالیه تبلیغ ایدلمش اولغله قرارواقع اوراجه ده معلوم اوله رق اشبو تحریرات عمومیه نك لفأ کوندریلن نسخ مطبوعه سندن برر عددینك ملحقانه ارسالی لزومی بیان اولنور فی ۱۲ مایس سنه ۳۲۶



۷۴

۳ مایس تاریخی تلغرافنامه ایله ایستیلن معلوماتك دوائر اعتباریه مقدارلرینك مسارعة یتلمسی لازم کلدیکنندن مذکور تلغرافده مندرج اوج فقره نك هر برندن بهر دائریه عائد یکونلری تلغرافله بیلدیریکنز فی ۱۲ مایس سنه ۳۲۶



۷۵

تحصیلدار لره ترفیق اولنه جق ژاندارمه لر مأمورین تحصیلیه و اموال امیرییه بی محافظه ایله مکلف اولماریله اموال عمومیه و اغنام تحصیلاتی ایچون طلب وقوعنده ایجاب ایدن ژاندارمه لرك اعطاسی اقتضا ایدنلره تبلیغ اولمسنه مبنی اعتیاد قدیمه تبعاً قوه تهیدیله حائده استخدام ونفوذ ضابطه نك سوه استعمال ایدلمه سی فی ۱۲ مایس سنه ۳۲۶



۷۶

سبزه ومیوه وادت کبی ایرکن یتیشن واوزوم وپاموق ومصر وبرنج کبی کیچ ادراک ایدن محصولاتك اکثر محملرده آیری آیری مزایده و احاله لری اجرا اولنیه رق حبوبات اعشاری ایله برلکده احاله ایدلمکده اولدینی و بو یوزدن حبوبات اعشارینك ده احاله سی تأخیر ایدیله رك حزیرانده ادراک ایدن حبوبات محضا بو یوزدن یعنی کیچ ادراک ایدن محصولاتك درجه فیض وبرکتی حقدنه بر فکر اجمالی حصوله انتظاردن طولایی تموز نهایتلرینه قدر احاله نك کری قالدینی وبوندن فقرای زراعتك بحق مشکی بولندقلری معلومدر. دیگر طرفدن حبوباتك اجرای احاله سی صره ده ایرکن یتیشن محصولاتك مقادیری حقدنه ملتزمین و قیله معلوماته دسترس اوله جقلری جهتله مزایده ده اکا کوره واقفانه بی اوره جقلری طبیعی فقط کیچ ادراک ایدن محصولاتك حبوباتك احاله سی صره سنده تمامیه نشو ونما بوله میه جقلری جهتله درجه فیض وبرکتی حقدنه نه حکومتجه ونه ده ملتزمینجه معلومات اوله میوب مزایده مجهولاته مبتنی و مال غیر متقومه راجع اوله جقندن بو خصوصه ملتزمین آتیا ضرر وقوعندن احترازاً بو محصولاتی هیچ نظر اعتباره المامق و یا خود بك دون بدل تخمین ایلک مجبوریتده اولدقلرندن کیچ ادراک ایدن محصولاتك بك دون بر بدل ایله احاله ایدیله کلدیکی بدیهیدر. ایرکن یتیشن وکیچ

ادراك ایدن محصولاتك حبوبات اعشارندن تفريقله آیری آیری مزایدهیه
 قونلیسی حالنده طالبلر التزام ایده جکلری اعشارك درجانه و قتیله و قوف
 وقعات حاصل ایدرك اكا کوره بی وضعنده تردد ایتیه جکلری آشکار
 و بویوزدن منافع خزینه و قوعی درکار بولنش اولسنه والیوم حکمی مرعی
 اولان اعشار نظامنامه سنك اون التبی ماده سنده ایرکن و کیچ یتیشن
 محصولاتك آیری آیری مزایده واحاله لرینك اجرایی تجویز اولسنه
 و منافع خزینه واهالی ده بو نقطه ده بولنسنه بناء ایرکن یتیشن و کیچ
 ادراك ایدن محصولاتك حبوباتدن تفريقی ایله آیری آیری مزایده
 واحاله لرینك اجرایی تحت وجوب و اهمیتده کورولش و ایرکن یتیشن
 محصولك تفريقی ایچون ارتق وقت قالماش ایسه ده کیچ یتیشن محصولك
 تفريقی الیوم ده ممکن بولندیغندن و کرچه بو خصوص احاله هیئتلرینك
 براز فضله مشغولیتارینی ایجاب ایتدیره جك ایسه ده منافع خزینه نك
 تأمین خصوصننده صرف مزید غیرت متحم ذمت مأموریت و حیت
 اوله جغه مبنی بو باده ابراز مساعیدن کیری طورلیه جفی قویاً مأمول
 و منتظر اولدیغندن سنه حالیه ده هر نوع محصولاتده کورولن فیض و برکت
 درجائی نظر دقتده طوتیه رق اكا کوره منافع خزینه تحت تأمینه آلتیق
 اوزره محصولات مذکوره دن کیچ ادراك ایدن قسمی بر قریده بش
 بیک غروشدن فضله عشر ویره جك درجده اولدینی تعین ایدنلرك
 همه حال آیری آیری مزایده و دکر فیئاتیله احاله لرینك اجرایی خصوصنه
 اعتنا اولنسی لزومی مأمورین مالیه تبلیغ و اشعار اولنش اولغله اوراجده
 بر منوال محرر معامله ایفا واشبو تحریرات عمومی لفا کوندریلان نسخ
 مطبوعه سندن برر عددینك ملحقاته اسرایی لزومی توصیه اولنور

فی ۱۳ مایس سنه ۳۲۶



امتحان و انتخابی معامله سی ا کمال اولندی می؟ قاج تحصیلدار بالامتحان آلتش
الیوم نه قدری امتحان اولمه مشدر؟ امتحان اولیانلر جداً اقتدار سزمیدر؟
امتحان اصولنک تطبیق نه کبی نتایج ویرمی مأمولدر؟ بوجهت لک موصفاً
وسریماً اشعاری

فی ۱۳ مایس سنه ۳۲۶



۲۸ مارت سنه ۳۲۶ تاریخ و ۲۲ عموم نومرولو تحریراته ذیلدر :
۳۲۵ سنه سی استاتستیک مجموعه سی ایچون کوندریلن جدوللرده آیرنجیه
ارائه سی لازم کلن تحریر مأمورلری مصارفی بعضی محللرجه یا لکنز تحریر
سیار فرقه لرینه عائد صرفیاته مخصوص ظن و ذهابی حاصل اولدیفی التان
معلوماتدن ا کلاشیلوب حال بوکه بر قسم مصارفی آیرمقدن مقصد درج
اولنان عموم ویرکو مرتبایچون وقوع بولان صرفیاتک یوزده بشنی
اکلامق اولسنه نظراً قدیماً مستخدم اولوب اخیراً مأمورین مالیه یه قلب
اولنان مأمورین و کتبه تحریریه ایله مال مدیری معاونی نامنی آلان ویرکو
کاتبلرینک ده بو قسم میاننده کوسترلمسی لازمه دن بولمغله ا کا کوره
جدوللرک تنظیم و املا سیله بر یا کشلغه میدان ویرلمه مسنک تعمیماً تبلیغ
و بیانه ابتدار قلندی

فی ۱۶ مایس سنه ۳۲۶



[۷۹ نومرولو عموم یوقدر .]



ارباب تجارت و خرفت و صنعته توزیع قومیسسیونلرنجه طرح
اولنه حق تمتع ویرکولرینک مقداری تنظیم اولنه حق دفتر اوزرینه هر سنه
کانون اولک اون بشنه قدر جوامع شریفه و کلیسا و خاخالخانه قبولرینه

تعليق اولنه حق يوصله لر ايله مكلفينه اخبار اولنوب مكلفين كانون نائينك اون بشته قدر حكومات تحليه يه تقديم ايده جكلري استدعا نامه لر ايله صورت اعتبار وحسابه اعتراض ومدت مذكوره ظرفده استدعا نامه ايله اعتراض ايتيسان مكلفينك وركولري كسب قطعت ايده جكي تمتع نظامنامه سنك طقوزنجي ماده سي احكامندن بولنش وشو حالده اعتراض مدتي بر آي اوله جني بديهي وتوزيع قوميسيونيله بلديه وتجارت اوطه سي هيئتلرينك اشبو اعتراض استدعا نامه لري اوزرينه وركولري قرار مجلس اداره جه كانون نائينك اون بشندن نهايته قدر تدقيق اولنه بيله جكي اونجي ماده سي احكامندن اولديني جهته مدت اعتراضك كانون نائينك اون بشندن نهايته قدر اون بش كون عد ايدلمسي حقنده شوراي دولته اعطا اولنوب ۱۶ مارت سنه ۳۲۶ تاريخي تحريرات عموميه من ايله تبليغ ايديلان قرارك سهو مبتي اولديني اكلاشلمش اولديندن بركونا ياكلاشلمه محل قالماق اوزره اعتراض مدتلك نظامنامه احكامنه توفيقاً بر آي عديله اشبو مدتلك انقضاسندن صكره مراجعت ايدنلرك حق اعتراضك ساقط عد اولنسي لزومي بيان اولتور.

في ۱۹ ميس سنه ۳۲۶



ديون غير منتظمه قانونك دردنجي ماده سنك صوك فقره سنده مطلوبلرينك اوراق مثبته سي زرده تنظيم واعطا اولنش ايسه انك غيري بر محله اقامت ايدن اله جقليلر اوراق مذكوره يي كندى اقامتگاهلرندو مأمورين عائده سنه ارائه ايده جكلري وبوقسم اصحاب مطلوبدن يدرلنده سند واوراق مثبه بولنلرلك استدعالري بولندقلري محل مأمورلري طرفدن يشقه بردفتره قيد ايديله جكي كوسترلمش اولديني حالده اكثر محللرده بويولده معامله ياپيلميوب ينده اوراق مثبته سي وبولنديني محلك

مال قلمندمه الله جغتک قیدی بولنمیان کیمسه لرك ساده برعر ضحال ایله طلب وادغا ایله کلری مطلوباتک دخی اوراق مثبتیه ویا قیده مستند مطلوبات صره سنده قید ایلدیکی تدقیقاتدن اگلا شلمش اولدیغدن مرکز وملحقا تجه قید اولنان دیون میاننده بوقیلدن اولانلری وار ایسه بونلرك آریجه بر دفترینک تنظیمله ارسالی واشبو دفتره یازیله جق مطلوباتک هر قلمی حداسنده عموم دیون دفترینک هانکی نومروسنده مقید اولدیغنک اشارت ایدلمسی و مرکز وملحقا تجه قید ایدلمش اولان دیون میاننده بوقیلدن اولانلر یوق ایسه اولمادیغنک باتحریرات مخصوصه صراحة اشعاری واشبو تحریرات عمومیه نك لفا کوندریلان نسخ مطبوعه سندن بر عددینک ملحقاته ارسالی لزومی بیان اولنور اقدام .



ولایت ولوا وقضا مال صندوقلرینک بالعموم معاملاتی احتوا ایتمک اوزره ترتیب اولنوب کچده دفاتر سائره میاننده ارسال ایدلمش اولان اساس دفترلرینک نه وجهله طوتیله جغتیه و بونلردن چیقاریله جق اولان شهریه جدوللرینک صورت تنظیمنه دائر اقتضا ایدن تعریفنامه دخی بوکره اکمال اولوندی .

مذکور تعریفنامه لر قضالره بر ، لوالره ایکیشر وولایت مرکز لرینه دخی اوچر نسخه اوله رق لزومی مقدار مطبوع شهریه جدوللری نمونه سیله برابر طوغریدن طوغری یه کوندرلمش وقضا ولوا و ولایتلر ایچون مقتضی شهریه جدوللری ایله صرفیات مفردات جدوللری درست طبع وارسال بولنشدور .

اوچ آیلق معاملات مفروضه یه کورمه مملو اوله رق تنظیم اولنان نمونه لر دخی اون بش کونه قدر بشقه جه کوندریله جک اولوب بونلرك وصولنده صورت قید دهاکوزجه اگلا شیله جق ایسه ده مربوط تعریفنامه دقتلیجه

مطالعہ اولہرق ا کلاشیلہ میان جہتاری حقندہ شمدیدن استیضاح ایدلمسی وقضا ولوالردن صوریلہ جق سؤلارہ ا کا کورہ جواب وایضاحات اعطامی دفتردارلر ایلہ الویۃ مستقلہ محاسبہ جیلرندن منتظر در.

۱۔ اول و آخر تبلیغ اولنان تعریفنامہ لردن مستبان اولہ جفی اوزرہ مال صندوقلرینک قیدی مفردات دفترلرندن ماعدا بودجہ و واردات ووزنہ و اساس دفترلریلہ تمام اولہ جقندن و بونلردن ہرہانکی برینک ترک و اہمالی صورتندہ تصادف ایدیلہ جک مساحاتہ قارشى قطعياً اغماض عین ایدیلہ رک انتظام قیودہ خلل کترین مأمورلر حقندہ معاملہ جزائیہ تأخیر ایدیلہ جکندن اشوبیک اوچیوز یکرمی الی سہ سندن اعتباراً وقوع بولان معاملاتک تعریفات دائرہ سندنہ دفترلہ کچیرلسنہ وجدوللرکدہ بیدرپی چیقاریلوب کوندرلسنہ صرف مزید غیرت اولونمسی توصیہ اولنور.

فی ۲۲ مایس سنہ ۳۲۶



ملنی ضبطیہ نظارتی ہیئت صحیحہ سنجہ معاینہ لری بالاجرا معلولتلری تبین ایدرک اوج یوز یکرمی بش سہ سندن بری تقاعدہ سوق ایدیلان پولیس مأمورلرندن تقاعدی اجرا قلنا نلردن بر خلیسنک مراجعت ایتمہ سی اوزرینہ استفسار واقعہ جواباً امنیت عمومیہ محاسبہ سندن مورود مذکورہ دہ بونلرک تنسیقات قومیسینی قراریلہ تضمینات الہرق حکومتلہ قطع علاقہ ایلدکاری کوسترلش اولدیقندن بحثلہ بعدما صندوقہ یا کش معاملہ ایفاسنہ محل قالماق اوزرہ لاجل التقاعد مدت خدمت جدولی صندوقہ کوندریلان مأمورلرہ بالآخرہ تضمینات اعطامی اقتضا ایندیکی تقدیردہ صندوقلہ بالخبارہ ویرلسی ملکیہ تقاعد صندوقی نظارت علیہ سندن اشعار اولنسی اوزرینہ کیفیت تعمیماً تبلیغ ایدلمش اولغلہ اول وجہ ایلہ ایفای مقتضاسی بیان اولنور.

فی ۲۳ مایس سنہ ۳۲۶



تنسیقات قانونی احکامه توفیقاً مقدماً تشکل ایدن قومیسونلرک اجرا ایتدکلری تنسیقات وتشکیلاتک واتخاذ ایلدکلری مقرراتک محافظه سیله برابر تنسیقات واقعه دن منبعث وقانون مذکورک اون بشنجی ماده سنده موضوع بحث اولان شکایات سابقه ولاحقه ایله ذیل تنسیقات قانوننک تطبیق واجراسندن متولد شکایاتک تدقیقی ذیل مذکور حکمنجه درجه اولاده تشکل ایده جک قومیسون ودرجه اخیرده شورای دولت ملکیه دائره سنه عائد اولسنه بناء شکایات مماتله حقنده اوصورتله معامله اولنمی وتنبیق قومیسونلرنجه باشلانیلوب هنوز اکیال ایدلمه مش تنسیقات اولدینی وبونلرک اکیالی لازمه دن بولندینی حالده منحصرأ دوائر عائد سنجه مسئولتلری تحتنده اتمام ولزومی تحقق ایدرک بالانها مجلس مخصوصجه تحت قراره المدجه کرک مرکزجه کرک طشرجه یکیدن تنسیقات اجرا ایدلمه می مجلس وکلانک تصویبیه عموم دواثره تبلیغ قلندینی شرفوارد اولان ۱۸ مایس سنه ۳۲۶ تاریخی تذکره سامیده امر و اشعار بیورلش وکیفیت تعمیماً تبلیغ قلنمش اولغله اول اوچه ایله مقتضاسنک ایفاسی بیان اولنور

فی ۲۳ مایس سنه ۳۲۶

مابعدی وار

